

40150.297
39
印 = 7

靈寶縣志

卷之七

藝文

誌

祭文

墓誌

論

碑銘

傳

行狀

重修靈寶縣志卷之七

邑令涪陵周

淦編次

署命金陵方肱勳編次

藝文志中

記

碑銘

祭文

傳

墓誌

行狀

論

記

江公東關生祠碑記

康熙四十二年

陝甘學政

胡作梅

康熙壬午夏余奉

簡命視學關中路出靈寶靈卽吾友奉常漢陽江公昔年種花

縣也入其境人民雍熙土田豐美至城之東關見其民鳩

工庇材紛紜修創循城抵南關其經營亦復如是初以為

靈寶縣志

卷之七

藝文中

記

一

市廛之築室也適明經卯君顯極謁余於桃林傳舍先是

卯君以謁選京師余曾識於奉常之客座茲一見懽然道

故隨以東關奉常公之生祠碑記屬余且曰吾靈沐江夫

子深且久自去靈十有七年都人士愛戴之私未嘗一日

去諸懷也今年幾處爭立生祠而東關之生祠實近落成

愧紀載無文以光鉅典知先生與江夫子交好僉托顯極

為介始敢請一言登之貞珉以重江夫子併為靈邑重靈

邑世世愛江夫子亦世世重先生也余唯唯復問奉常公

之治靈也余知之猶不及君知之之詳也請備言之卯君

喟然興嘆曰今吾靈享安堵二十餘年而長有室家妻子
田疇桑麻之樂者伊誰之賜乎然江夫子善政有爲人所
及知有爲人所不及知者請爲先生陳其梗概江夫子漢
陽名公子今爲名公卿其發軔則靈寶邑宰也人知之治
靈七載政聲洋溢至康熙丙寅以治行高擢奉詔行取入
爲侍御史亦人知之獨異其初宰靈也在庚申辛酉之交
田荒賦累民散久矣其時歌鴻鴈而賦黃鳥者不忍聽聞
江夫子蒿目時艱憂形於色亟往詣各上爲民垂涕請命
初以軍興餉急不之省後以例格江夫子益激昂悲憤欲
靈寶縣志

卷之七

藝文中記

三

俞旨自是而荒蠲稅減復業者不下萬餘家靈民慶更生戴二

天矣江夫子更深仁厚澤與民休息招集流亡勸農課士
通商恤賈濟弱扶孤三年民氣始復案無留獄立剖其曲
直有時發奸摘伏出人意外之意表久之化臻無訟枵楊不事士
大夫一以禮讓相接而幽獨常凜長吏之知杜苞苴嚴蠹
役雖上差素悍鷙者至此爲之帖然捐俸修復於農隙用
民力創桃林書院重修黌宮厥後起造函谷舊關建南城
譙樓不勞民不傷財興廢舉墜百度俱煥然改觀斯其用

惠也宏多其樹猷也遠大而勤勞撫字一可丹表上以等國計下以裕民生者江夫子本不欲人知也人亦烏從而知之耶比入京考選輕裝就道時靈民父老子弟奔走呼號至攀轅卧轍嘆息泣下如父母之遠去而失所怙恃方謀上書借留乃緝於上命之不獲已遂皇皇圖爲尸祝始而南郊立碑以永思慕繼於曲沃鎮立祠立碑以表愛戴衙前之碑所以紀功書院之碑所以頌德而東門外之碑穹窿於光天化日之下又人人所耳而目之者可信於當時傳諸奕世也後十餘年來相接治靈者如張公霍公

靈寶縣志

卷之七

藝文中

記

三

譚公暨今許公化行俗美無不體江夫子之治以爲治此又江夫子流風善政無論知與不知皆堪不朽者也今日者我靈邑士民從還定安集之後慨然念含哺鼓腹之所由來咸聚族而相語曰異哉吾邑有三聲焉何居乎未之前聞也昔之童山而輪賦者而今則林木鬱蔥清風振響其樹聲也乎哉昔之催科而掩卷者而今則四野絃歌篝燈夜讀其書聲也乎哉昔之追呼而轉徙者而今則麟麟者聯鑣蕭蕭者並轡其車馬聲也乎哉夫中牟之政以三異傳靈邑之風以三聲見美哉治不出魯恭下矣江夫子

於靈邑之民布德施惠如此靈邑之民如之何能忘之也
靈有峴山可比襄陽一片石此顯極用是乞言也先生得
無意乎余聞之怡然曰有是哉奉常公何以得此於函谷
宏水之民哉其經營立祠蓋亦情之有不容自己者矣昔
陸象先守河東有惠教民愛之如慈母去後民思之蘇子
瞻在黃州稱韓魏公去黃州四十年作詩猶思黃州人子
瞻爲黃州人刻之石然後知賢吏於其所至惟已不能忘
情於人斯人愈久而愈不能忘情於已也謹以卯君心感
身被之言記其事不特爲後之蒞斯土者有所感勸且將

靈寶縣志

卷之七

藝文中 記

四

令異日輔軒之使與仕宦之過靈者見此甘棠遺績必將
曰江夫子之愛民也如此民之望也國之福也民之愛江
夫子也如此俗之醇也邦之光也俾史臣贊之金石銘之
亦國家盛事也哉回憶出京與奉常公盤桓蕭寺依依不
忍別去今計程月餘矣明發當入關遙望華岳三峰秀峭
如畫又生高山仰止之思思奉常公尊人念鞠太先生以
戊戌進士在高州節推蘇州治中以九江太守復觀察九
江所至有賢聲民愛之至今三楚推爲名宿奉常公得庭
教深今見公舊治地民愛之去後猶立生祠因嘆服公家

世德作求宜乎出爲名宰入爲名卿其晉秩之隆勲業之富不可紀極而膝下諸令嗣英英露頭角仲弟爲工部正郎季弟進士四弟候選翰林院典簿極江漢門第之盛天性人倫之樂此皆靈人立祠意中所頌祝無涯者也故得併及之祠起於康熙四十一年正月二十五日成於本年九月初二日是爲記

重修九栢臺碑記

乾隆五十四年

張文旒

邑南四十里曰號略鎮乃古號封之遺至唐爲州屬圻內咽喉開元初並選宗英共持要地故其時之刺號者常以

靈寶縣志

卷之七

藝文中 記

五

親王授之政平理暇選選多所卜築而坐據川原之盛備登眺之觀迴塘屈盤花鳥交映莫過於西山之九栢臺九栢臺者卽有唐賓客往來游寓飲餞舊名紅亭處也岑王諸賢多所嘉咏亭高鳥外客到雲齊至今膾炙人口歷宋元來荒田蔓草敗碑頽垣見者泫然矣前明有練師竇冲林者與居民始創新之恢拓舊基聳起殿宇諸神以次配列至於鐘樓客舍獻殿香亭大厦劃然就理方謂唐賢之遊賞勝地或可沿也迄今幾二百年而丹黃金碧之盛半歸剝落矣夫國家釐正祀典祈報而外凡所以奠安黎庶

捍禦災患者皆禋祀不廢無非欲協乎神明惠安元元沛
林卽勝游之地而創爲羣神棲止之所則斯臺興廢所係
又非止快登臨極游眺徒以選勝尋芳已也住持道人蕭
復星者旣於婁下邳重陽觀靈寶縣真武菴以及本鎮洞
陽觀后土廟城隍廟悉爲修理豈忍坐視此臺之廢遂糾
合土人馬呈圖郭乃興等亦皆捐輸募化踴躍督成其洞
殿門亭悉仍舊制懼沒昔人經畫之善也工起於乾隆五
十四年三月至五十六年七月告竣蓋非一朝一夕之故矣
功旣成乞余言以爲記余謂盛衰興廢之故亦古今之常

靈寶縣志

卷之七

藝文中 記

六

無足異者而斯臺也以繁紅縹綠之觀昔之人龔馨擷竒
者素矣自冲林之舉而暮鼓晨鐘香烟郁馥今復益加振
修更足以不朽矣雖然 神聰明正直依人而行者也使
居茲土者勉強爲善虔其秩祀而 神自降以百福則幽
明合惠神人胥和俾疢疾消生植遂蒸爲太和以助我
聖天子太平無疆之治是固國家修明祀典神道設教之意也
至於鋪張勝概紛紅鬪綠之說茲不復贅云

重修文廟碑記

乾隆五十四年

邑人

張文旒

至聖先師孔子之廟祀於郡邑也歷代爲昭矣至

皇朝殿禮

攸隆有光於昔蓋

聖天子崇儒重道顓俊尊賢之意趨正宗而勵士習造端在茲用是守土之官與司教博士每歲春秋釋奠外凡月之朔望必拾級升堂焚香拜禮所以推廣造士作人之化肅觀瞻而備妥侑者也余邑文廟在城東南隅或謂宋天聖元年創建非也考唐貞觀四年詔諸縣皆立孔子廟又咸亨元年再詔官司營葺太極十三年復詔天下州縣立學蓋創於唐而後世遞修之爾我朝祀事彌嚴凡六修舉自

乾隆己卯歲縣令李公等重修後已歷三十年日月銷燦

靈寶縣志

卷之七

藝文中記

七

風雨剝落廟貌腐敗

神座塵廢以致奠薦廢儀禮幾不

備今邑侯長蘆李公蒞任之初謁廟拜香周視愴然亟圖所以繕治乃捐俸廉先自泮池及廟前崇樓樓下三洞門始次則經營殿廡門坊以及文昌閣名宦鄉賢等祠主筆費繁籌畫貲不敷用於是孝廉杜君漢文選拔李君君接三布經何君漢章等復昌邑之紳士輸助得工餘金置材鳩工命遇炳凌雲克興金堂董其役五越月而廟事告成瞻仰外望之煥乎遂如新構焉懿夫廟之繕治也雖邑之望賢實爲文明之地苑內翠栢十餘株垂蔭百有年所物與共閱淡

淡茲則蒼鬱芃芃匪直菁莪堪呀也廟趾逼近城垣文氣
弗暢前令鑿壩爲門者三甃而爲洞以疏之上制層樓漸
就傾圮茲則峻極蠱峙登高憑欄一攬關河之勝垣外數
武卽泮池池中泉湧三穴清冽而甘源頭活水域內鬯宮
所罕魴鯉躍波茆芹擁綠 侯之戾至思樂可知也矧茲
莘莘祠祠觀榮者如登文杏之壇沐浴聖教正未有艾乎
然則侯之佳政不可不記載也在昔唐之初葉詔州縣立
孔子廟堂有司莫不殫力整齊而爲之記者皆當時大手
筆如王楊韓柳諸人或摛藻揆華或歌風蹈雅鋪張揚厲
靈實縣志

卷之七

藝文中

記

八

以彰觀制之雄旒等不文又不工書未能如虞永興以翰
墨流傳盛事謹叙其原委而泐之石庶幾後之踵而增華
者有所徵云

女郎山禱雨記

嘉慶二十三年

縣令

呂子珏

余於嘉慶二十二年歲在丁丑七月來宰是邑薦紳先生
爲余言 女郎山神之靈若漢中府西南六十五里之嶮
山有禱斯應戊寅七月旱甚余心如焚計唯乞靈於 神
或滂大澤二十四日齋戒二十七日夙駕行七十里宿宋
曲村 行宮虔禱二十七日丑刻由虎兒坡至七里原乃

步行上山約十三四里路之險行之渴前任令霍君記由
詳之弗贅也到山取一盞以油紙四五層際其口納諸坎
智此坎名石盆泉土人謂神沐於此蓋取玉女洗頭盆之
義云上係巽繩如汲井之繙余向坎肅拜從吏如巫代達
爲民請命意又密告余益盈方得雨而口緘滴水難入余
心大感跪拜良久收履啟視有寸許水焉重納下誠求再
三收而水已盡覆而器真盈矣既駭且喜捧持而行復禱
龍王廟曰靈澤一如 女郎廟之靈卽日返署二十八日
五至午微雨午至酉漸大子刻後寐覺而簷溜如注躍起
是伯宗之攘善也歸功於 神詳誌之以示來者

靈寶縣志

卷之七

文中記

九

而視院中成沱明日鄉村絡繹報南四野霑足民歌舞之
噫 神之靈一至此哉蘇長公喜雨亭記云歸之太守太
守不有余宰是邦而得 神之祐若貪 神功以爲已力
是伯宗之攘善也歸功於 神詳誌之以示來者

重修

關帝廟碑記

道光三年

許迪吉

邑人

國朝祀典之鉅廟貌之崇有 至聖先師孔子有 伏魔大

帝關帝畿府州縣同然靈邑東郭 帝廟奉

是替矣嘉慶戊寅歲 邑侯呂公因歲久捐俸重新棟邑之

紳士董其事召而命之曰孔子曰知我者其惟春秋乎竊

謂後世知孔子者莫如 帝學孔子者亦莫如 帝蓋明於大一統之義以天自處以天運世神明愈久而愈熾者在此麟經也舊雖有其閣今必大其規模至正殿擴三爲五夏直臣祠三代祠並加整理幸無憚其煩 邑侯李公繼有同心縣尉薛公爲之翊贊歲壬午工乃告竣煥然並新惟呂公克圖厥始惟李公克成厥終大成殿而下無有如 帝之正殿者而麟經遂與尊經相輝映矣若夫諸紳募金四千督工五載其工食所出俱屬闔邑居民輪流分派所謂 聖人出而大義行 聖人往而大義明觀於人

靈寶縣志

卷之七

藝文中 記

十

心效順益信春秋之功在萬世也是爲記

重修文廟碑記

道光八年

中憲 蔣明允 大夫

道光丁亥十月 余 以公道出靈寶會縣令楊公雲厂重修文廟功竣往觀之述其顛末請爲記按靈邑文廟創自前明

國朝叠經修葺至嘉慶二十年地震悉就傾圮道光八年秋雲厂令茲土建議鼎新其明年適奉 大憲飭設立義學謀增書院經費商諸同寅各出俸爲倡並勸士民捐貲助理共得銀二萬有奇於籌畫義學書院外庇材重修擇紳

士九人董其役自大成殿及兩廡戟門櫺星門澈底更之
其 崇聖祠 文昌閣 奎星閣暨鄉賢名宦各祠宇並
泮池齋房學舍亦皆完美以乙酉六月經始迄今春暮落
成通費白金一萬六百兩有奇堅好壯麗巍然煥然前此
未之有也今夫天下不可一日無學卽不可一日不師聖
賢 文廟者學之宗也

朝廷崇儒重道禮制攸隆直省郡縣胥立 文廟春秋享獻
命諸生駿奔走執豆籩於其間俾得取法觀型共抵聖賢
之域其典至重其望彌殷况靈寶古稱名勝自老子負猶

靈寶縣志

卷之七

藝文中 記

十一

龍之譽於此地著道德五千言彪炳乘茲貞珉不朽厥後
伯英以草聖傳於漢嗣仁以詩歌盛於唐他如董季直楊
達夫輩皆後先輝映卓爾不羣英哲挺生至今未艾大抵
聖賢牖迪之力居多官斯土者苟不崇本而作興之將何
以繼其盛而成其美哉雲广西江巨族其先祖勤慤公理
學名臣貽謀有穀平生以聖賢自律且以律人不肯稍自
貶抑余嘗觀其著述想見其爲人雲广下車之始他務未
遑而獨於茲懇懇焉蓋其淵源遠矣夫修舉廢墜守土之
任也轉移風化司牧之責也先是靈邑艱於科目是舉甫

興工而秋闈獲售者三其效彰彰如是今日者廟旣飭矣
爲我進諸生而告之曰此先聖殿也觀此當志聖人志
此先賢廡也觀此當學賢人學摩挲於禮器之旁步趨於
俎豆之側仰止而嚮往之則雲丁之心亦可以無負而
至聖之降鑒當必更誘其衷從此文物之興愈出愈盛有
不僅區區科目已者彼科目又曷有旣也諸生勉乎哉後
之君子亦可以觀矣是爲記

重修婁下村得相庵碑記

道光九年

許虎拜

邑人

號鎮東北六七里爲婁下村舊有得相庵前明萬曆時創
靈寶縣志

卷之七

藝文中記

三

建至今

上御極之初風雨催殘金碧剝落久矣歲甲申余將東行過其
地見流水一灣茂樹千脰慨然有塵埃外想因下馬遊憩
厯山門二門周迴顧視迤而東爲東角門迤而西爲西角
門飛檐布翼高插雲表其內分東西兩院東院南殿奉
白衣菩薩西院南殿奉三大士殿門外綠樹參天清陰
鋪地趺坐其下梵聲朗朗茶烟裊裊掃石安碁此樂真不
減羲皇上人間之故老咸曰此僧人道緒手澤所留貽也
余深嘉道緒之賢而又惜棟宇凋零相與徘徊者久之猛

視日影已近卓午急急出門就道至道光七年同社諸公
慮其無以妥神靈肅瞻仰也同心鳩集得金若干以備需
用自東西角門山門二門以及東院西院南殿皆重加修
理煥然一新而所用之材取資於道緒手澤者頗多嗚呼
道緒此舉可謂不朽而首事諸公殫數十晝夜之力庇材
鳩工共襄盛舉亦殆將與此庵共千古矣工告峻囑記於
余余憶曩者之遊重傷傾圯業經修葺其必迥異前此可
知也因筆而書之以爲同社好善者勸至風景之美黜聖
之鮮得諸想像尤願親諸目睹卒歲匆匆請俟之異日重
遊

靈寶縣志

卷之七

藝文中記

三

重葺 三聖母廟碑記 道光十七年

嚴正基

傅城東層岡環列迤北孤阜鶻起一綫蜿蜒而下蹲伏郭
外有廟竦峙其巔卽邑人所稱 三聖行宮也按邑乘載
漢時有二女事親不嫁其親強之遂指山爲夫偕隱以終
後名其山曰女郎並其母構廟祀之額曰三聖又以禱雨
輒應廟祀寔廣邑城始建此廟蓋由來久矣余初以其專
近誕不之信去年秋彌月不雨祈禱四出復不雨迺步禱
於女郎山越旬始雨僉曰是殆非 神之賜也余曰禱而

應遲與速皆是也又詎非神之賜哉夫吾民不幸而有災所恃以瀆其災而弭之者恃人而亦恃神若旱魃之爲虐蓋有地兼數圻而如燄如焚燎原之勢日熾無一遺秉滯穗之存者故其災甚鉅而弭災之術卽窮尤不得不聽命於神其在雲漢之詩曰靡神不舉則牲於圭璧之勿敢愛也靡神不宗則自郊徂宮之蔑弗祀也蓋卽省躬引疚凜之以天與帝惕之以祖下遠庶正冢宰趣馬膳夫之微莫不蕩瑕滌垢而所以馨祀維虔冀回明神之悔怒者又無不至也然則災不能弭爲民徼福於神而祀之也振古

靈寶縣志

卷之七

藝文中記

古

如斯今何獨不然且余嘗溯洪瀾而南按圖考地往來者數矣見夫面函背雒錯於豫雍其地岨采而瘠求所謂膺膺周原者無幾也而所渠利以劭農功者蓋渺是以民常苦旱今方賴神之賜日雨而旱災旣弭矣何疑於神夫神以孝顯於鄉議者雖或以其詭於中道爲惜而遺教流播里閭亦足以振厲頽俗况甘澍之敷澤被枌榆是大有造於吾民也民德神而肇修禮祀其莫敢廢墜而勿替引之也宜也神廟之在女郎山乃爲風雨漂搖過甚余旣屬近村紳耆重葺而東郭之廟因歲久日漸漫漶其

廟基爲行潦所齧亦半就傾圮迺出俸緡爲倡紳若民之戴神惠者咸源源樂輸遴邑紳茹君洛荆君鳴岐孫君彤舟董其役隘者擴之頽者撤而新之經始於去年孟冬上澣以今年孟夏上澣告歲維時雨暘時若歲以有秋僉又曰神之賜也顧余奉

天子命宰此邦幸得沐神賜以保艾吾民而比年畿輔雨澤偶愆上厯朝廷宵旰凡所以展禋百神爲民請命者甚賅其視周宣之遇災而懼殆又過之夫盛世不乏災禳之降而堯湯在上卽災至亦不甚爲患其敢弗靖共爾位體

靈寶縣志

卷之七

藝文中記

五

聖主憂勤兆民之意感召天和毋作神羞至於屢豐告慶民氣樂而頌聲作所望於神之綏我思成者方永永無極故於廟工之成也爰綴叙重葺神廟本末並董事者之勞揭而書之至葺廟工需及創建劉猛將軍金姑娘娘娘各廟二其用銀若干錢若干例應並書又捐輸各紳民姓名亦不可以或沒也則泐諸碑陰云

重修女郎山

三聖母廟碑記

道光十年

嚴正基

歲戊戌秋環邑城東西近村久不雨祈禱備舉仍不雨僉稱女郎山之

三聖廟祈雨有應余先期馳至宋曲村齋沐戒旦雞初鳴
秉炬沿山欄前發迤邐至七里原小憩蓋山之麓焉既而
晨光熹微舍輿而徒攀躡山椒以行約四五里許碧峭摩
霄荒榛蔽翳有徑緣懸巖陡壁間一綫羊腸偃僂前却輿
夫曳長繩下導挽以登從而後者掖之升踵頂相接行數
步輒氣吁欲踏趾少駐始再進汗淫淫下不止行走蹶躡
喘息憊甚日晡時始躋其巔展禮於 廟距廟不數武石
罅有清泉一泓瑩然澄碧納餅泉中禱益虔挈餅得水遂
竟日馳歸越旬而雨其時民村之在山左右者甘霖應候

靈寶縣志

卷之七

藝文中 記

六

年穀告登沐 神賜尤渥余以 聖母神廟漸圯近山之
尚溝元紀焦村二寨並鄉官楊冲二寨民人咸前微 神
惠蠲減草豆有差屬令合力釀貲重葺並酌定以後修葺
年限俾垂永久經始於今年季春下澣至季夏上澣告竣
僉籲余文以記余因敘次其顛末於右至 神之出處軼
事並余所以祀 神弭災之意已詳著邑城東郭外廟碑
中亦不贅及云

新建靈邑考院碑記

道光二十一年

縣令

嚴正基

靈邑舊乏試院有司每值試期則張幕於廳事之前駢坐

邑童其下局試地湫而隘霪霖風霾弗蔽應試者慄慄卒
事余縮邑符之初心焉恫之議建試院爲甄英區以連歲
小禮又籌待畚會辦裝實慮民力未紓屢不果泊去年夏
麥大熟迺集邑人士議之僉曰可首捐俸緡爲倡紳氓之
急公者咸輸將恐後於是相地宏農書院之右鳩工庀材
經始於仲秋中泮越季冬上泮告成會余遷刺鄭州以行
未有以紀其事今又五閱月矣謹綴叙創建本末而爲之
記曰

國家仿古賓興賢能之制三年大比命儒臣典試直省取士

靈寶縣志

卷之七

藝文中 記

十七

如額登之賢書以達於禮部復簡大臣集諸京師而都試
之拔其尤者錄如額

天子親策之廷用京外秩有差殆與記稱升諸司徒曰造士升
諸司馬曰進士者有合焉其試於州縣有司則爲童子試
校其文藝而甲乙之籍而上之郡守若刺史又從而加甄
覈學使者按部而都試之比年爲歲三年爲科拔其尤者
錄如額亦籍而上之禮部始稱弟子員又卽古者命鄉論
秀之遺意蓋童試爲士子策名初栳有司與民相親遴材
尤近且稔試院之建實所以優賚邑之成人小子而相漸

於得人爲盛爲士子者庸可以不加勉耶夫人於齊民之
申而別之爲士皆有家國天下之責者也作聖之功自蒙
養始明體達用爲天地立心爲生民立命以成爲位育參
贊之功者亦自成童肇端士子本家修爲廷獻當先器識
而後文藝昔晏元獻以童子廷試嘗稱私習此賦請試他
題識者覘其爲公輔器中州名臣鉅儒項背相望賈太傅
舉雒陽秀才年甫十八程伊川先生在大學著顏子所好
何學論亦方十八厥後志事卓卓推三代以下第一流人
物且靈邑號稱人文淵藪自漢唐以逮元明難更僕數卽

靈寶縣志

卷之七

藝文中 記

六

許襄毅一門兼資文武出將入相迄今炳彪史冊著爲搢
紳美談士子英年邁徃其於鄉先生之流風遺韻能勿觀
感而興起乎韓退之有云諸生業患不能精無患有司之
不明行患不能成無患有司之不公蓋某也良某也不良
自其童子就試時通國已無不耳而目之士子亦顧自命
爲何如人所學爲何如事假令倖而獲選名實不符又能
勿內赧而滋疚乎繼今以徃甯樸毋華甯愿毋肆勿以躐
進自矜勿以小成自域所志不求溫飽以天下爲已任科
目之盛人材之美且茂固將於童試士子中樂觀厥成而

猶謂古今人之不相及也吾不信矣茲工之成董其役者
爲邑紳茹君洛荆君鳴岐孫君彤舟陳君世勳劉君世法
閻君震密張君玉山楊君清渭皆昕夕蒞事不辭勞勩以
有成功共用工料銀陸千玖百陸拾緡例得並書其捐輸
各花戶芳名則分別住居各堡亦泐諸碑陰以垂永久云

重建

山神廟碑記

咸豐元年

邑令

錢文偉

洪惟

聖天子光被萬寓懷柔百神海濫山陬罔弗翊戴

皇靈以奠乂我烝黎實乎尙已靈城之東臯五龍溝舊有

靈寶縣志

卷之七

藝文中 記

九

山神廟不知起何時或曰神卽晉從亡臣介子推然考春
秋時疆域茲爲號地後并於晉其於焚山招隱縣田旌善
之故壤遠不相及好事者附會之說無俟深求也小戴記
曰山林川谷邱陵能出雲爲風雨見怪物皆曰神又曰凡
有功德於民則祀之靈邑東瞰砥柱北臨巨河西枕函關
南延商雒山川盤鬱之氣精英湊聚而靈祇出焉自新斯
廟以來民無疵癘物無天札風雨以時年穀順成則
神之佑庇我民視夫叢祠祆廟作威福以震厲一方者大
不侔矣邑之人崇而奉之固其宜也又奚必指爲某某蹈

宋道君之身陋哉工創於某年月日落成於某年月日捐費者若而人督工者若而人另泐貞珉是爲記

捐復靈寶書院義學及鄉會試經費記

邑令 周 淦

靈邑宏農書院勦自

國初前令江公後經歷任籌捐又置義學十四處凡與賓興者膏秣皆有資其經費生息銀至一萬四千兩有奇以故士習文風蒸蒸日上童試嘗千餘人登甲乙榜者踵相接至其風俗敦龐人情樸質尤於豫西諸邑中稱最則學校

靈寶縣志

卷之七

藝文中 記

三

之化遠也同治初粵逆擾竄是邦當西路衝一時供支籌禦需用浩繁竟將前項生息本銀提用弗克歸三事坐廢士氣滋不振卽中鄉試者亦數科無人焉予於庚午春宰是邑觀風之次生徒寥寥詢其故心憂之卽議興復而以兵差絡繹未遑也至次年差漸減歲復大熟爰集紳耆議僉謂民困甫蘇驟捐原欸力弗逮現在辦差設局已歷多年不如合計每年需費若干卽由差局催辦勢順易行予韙之乃定本年由差局捐銀一千兩以八百兩充書院師徒束脩膏火資以二百兩合從前廢餘稞租復義學十一

處卽以同治十一年爲始釐定規條認真訓課行之期年
向學頗衆書院請業者屢滿義學設未遍向隅者多於是
復捐貲添建書院齋房十一間又由差局每年再捐銀二
百兩連前共置義學十九處其章程大略書院則山長束
脩銀一百兩火食一百二十兩由閭邑公舉品學兼優者
官訂之每月官課一次齋課兩次官課每次膏火銀二十
四兩齋課每次獎賞銀半之每年二月初二日起十一月
二十二日止齋長二名一在書院考定一由差局公舉一
切銀錢公事悉以委之義學則每學束脩銀三十兩子弟

靈寶縣志

卷之七

藝文中記

三

以十六名爲率正月十五日開學十二月十五日停學其
塾師由本學首事公舉官爲諭定如有事耽延卽倩人代
廢弛學事者易之倘首事不認真並將學移之凡需銀俱
由禮房填給照票赴局支取其有用剩銀兩每年於差局
交替時算明呈繳發交鄉會試首事經理生息歷年旣多
亦成巨欸如此定議則涓滴歸公旣免侵吞亦難挪用且
一舉而三事俱次第復焉議旣行卽稟明 上憲立案今
將勒石乃進諸生而告之曰本縣所以汲汲於此三事者
非徒爲爾等獵取科名計也軍興以來上失其教民不興

行風俗淫靡趨利好訟甚至父子兄弟不相顧非世風之大變乎本縣德薄不能化民士爲四民首其各敦品力行以禮義爲鄉人表率他日得志必求爲

朝廷建不朽之業以光邦家而榮閭里此本縣志也若徒有文無行或恃符峻訟爲害鄉閭或貪利偷安虛應故事則諸父老每年捐資以養爾等者何賴焉有一於此人人得而攻之本縣將拭目而見三事之旋卽於廢耳其能永爲爾等庇乎諸生瞿然曰謹受教因退而畢書之

修理靈寶縣署記

同治十二年

邑令

周淦

靈寶縣志

卷之七

藝文中記

三

衙署傳舍耳偶遇坍塌暫權者曰吾不過五日京兆也不暇修實任者曰此終非吾家物也不必修甚者又因以爲利稍作補苴輒虛報工料而攤諸後任名曰修也實未修諺曰官不修署其信然歟若然則天下尙有衙署乎哉每嘆士人讀書他日得志必將爲國家建萬年不朽之業區區補偏救弊不足言也一旦身膺民社衙署乃其棲身之地尙聽其敗壞而熟視若無覩則風俗之澆漓與民生之疾苦能望其關心乎吾不信也衙署之制大堂前有捲棚又其前有戒石坊旁則科房在焉儀門旁則班房在焉大

門外東西則牌坊前有照壁所在皆然而靈邑縣署所建亦如式大堂後則二堂餘則各就地勢而布置之靈邑則二堂兩旁爲東西廳其後則三堂又其後則四堂五堂東則廚房西則幕館後枕北城前臨大街規模宏整洵足以壯觀瞻而肅法紀焉余於同治庚午春宰是邑適前令皆不久於任僉謂衙署之故余入署周視戒石坊甚低小捲棚毀於風已三年矣四堂住院門偏東頗不中觀餘房亦舊損無生氣爰命工改正院門而後入是年夏西牌坊被水冲亟購料建之卽擬立捲棚以事未果至次年春始克

靈寶縣志

卷之七

藝文中記

三

立又將戒石坊高大之而大堂以外煥然改觀矣廚房偏後堪輿家以爲不利宜移前乃如言另建工甫竣而東廳正房左右三間先後塌爰就塌者修之未幾三堂西廂又塌則拆而全修壬申夏二堂塌則又全修秋五堂又塌則又修今年夏四堂住宅東廂又將塌則又修其他隨時修補不知凡幾蓋署中房屋不下百餘間三年來修者幾半或勸曰是獨不可少安乎何自苦爲也余應之曰余不才不能爲國家建萬年不朽之業是區區補偏救弊者而尙不能乎或曰旣如是則爾所費不貲矣卽全以攤諸後任

庶幾酬爾苦也余又曰余自修吾署於後任乎何與安知後任不又有後任所應修者其又將誰攤也嗟夫使後任皆各修其所應修卽謂此署萬年不朽焉可也今擬立石以誌故備書之以俟後之君子焉

重建邑厲壇記

周 淦

天地間果有鬼神乎視之無形也聽之無聲也以爲有吾不敢知也天地間果無鬼神乎無形而忽若有形也無聲而忽若有聲也以爲無吾亦不敢知也蓋鬼神者不有於形與聲而有於人之心鬼神本無形而人心形之本無聲

靈寶縣志

卷之七

藝文中 記

十四

而人心聲之人心以爲有則卽不得而無誠使人人之心皆有一鬼神而天下治矣聖人之治天下也旣親親矣親親而仁民而愛物矣不幸而親有時終聖人不忍無其親也於是思其衣服思其飲食值春露秋霜則聚而享之於廟焉而聖人之心猶未卽安也曰吾之親可不餒矣彼天下之窮而無告者其生也吾得而養之死後將安所得食於是又招凡無告者之鬼聚而食之野而廵之以 城隍之神亦若神與鬼之凜凜皆在吾前者此邑厲壇所由設也然則邑厲壇者聖人本仁民愛物之心推之以及於幽

冥者也誠使人人皆各神其神而鬼其鬼則養生送死之道得天下有不治者乎如此則鬼神不能無斯壇顧可少哉靈邑厲壇舊在縣城北同治初爲賊毀每春秋城隍神出巡則露處郊外非所以妥神靈也因與同城官紳謀倡捐重建地則移北而基則加高經始於同治十年十月至十一年三月工竣記用銀四百餘兩規模宏整頓改舊觀時正修理泮池各工未遑計也今年癸酉冬各工次第告成爰追記數語刻石以垂不朽襄是役者縣丞韓君繼宗司鐸馮君玉堂司訓楊君燮堂把總吳君超典史史君

靈寶縣志

卷之七

藝文中記

五

悠玉首是事者候選教諭荆梓候選州同楊樹屏六品銜邵繼泰八品銜何致泰張躋堂從九品趙鴻書李久長把總劉永義監生趙萬方張慎行者老萬昇長也例得備書

叛建函谷關門卡記

同治十二年

周淦

函谷關卽古桃林塞周時在德不在險弗重也至秦爲重關六國爭之楚漢之約亦謂先入者王蓋關實據天下形勝一夫當關萬夫莫逞故昔時皆以重兵守之漢唐以來天下一家關久不閉逮我朝定鼎燕京以德化民此關不過豫西門戶於天下大勢無與焉咸豐間粵逆倡亂天

一騷然同治初是邦兩經匪擾未聞有議守此關者今
皇上親政伊始海內蕩平惟西陲餘孽未清游勇充斥行旅病
焉余承乏茲土職等抱關爰請於 撫憲設關以稽計捐
銀二百二十兩鳩工庀材添置關門一重關東北闢地三
弓建官廳三楹兵房二間關上舊有猶龍閣奉老子像閣
前雉堞殘缺不齊旁有廢窖數孔漸就坍塌概令修理完
善繚以墻垣工始於本年三月初十日閱兩月告竣卽於
五月初十日選派丁壯隨同營兵駐關稽查規模宏整防
範謹嚴自西來者殆難飛渡易曰重門擊柝以待暴客禮
靈寶縣志

卷之七

藝文中 記

三

曰關譏而不征蓋守土者責也然則是役也雖非

聖天子尙德之意倘從此匪徒斂戢行旅獲安亦庶幾稍盡守
土之責云爾

重修 關帝廟記

周 淦

靈寶在周爲桃林地縣西南二里許有關曰函谷西至潼
關百餘里皆高原卽古桃林塞也原之上距關不一里有
塚隆然則夏直臣關龍逢之墓旁有小塚土人曰此皇姑
墓也蓋龍逢在夏爲國戚乃不遠嫌避害而直諫以死致
令後世忠直之臣皆願相從地下抑獨何歟後二千餘年

聖帝出焉相傳 帝實龍逢裔昔曹操命許褚開函
等之道以運糧適傷龍逢墓脉致有麥城之難此事在史
無可考第以 帝之忠於漢與龍逢之忠於夏異代同心
如出一脉理或然也獨是 帝在漢臣也侯也由晉而五
代而唐宋而元明未有異也乃至我 朝威靈特著海濊
山陬無不有 帝之廟婦人孺子無不畏 帝之靈凡國
家大災大患無不賴 帝之護佑以幸於無事而我 朝
所以尊崇之者亦竟廟祀之隆至與 孔聖埒其故何哉
今夫世道日下也人心日橫也彼亂臣賊子狂夫悍婦喻

靈寶縣志

卷之七

藝文中記

七

以 孔聖之教冥若罔聞迨一聞 帝之名則莫不心悸
膽落却顧而反走蓋 孔聖之道大而難名而 帝之神
則靈而難犯 孔聖作春秋誅奸回於既往也 帝之學
春秋警邪亂於將來也非有 帝之靈而 孔聖之道將
不行故有 帝乃以濟 孔聖之窮此所以並行不悖而
廟祀無窮也若是則 帝之神在天下猶日月之在天江
河之在地無往而不在也豈嘗有私於人哉乃靈人獨喜
曰吾之鄉 帝之祖墓在宜 帝之阿護獨至也故靈人
之事 帝也亦獨謹縣城東關外有 帝之廟爲地方官

春秋致祭之所獻殿毀於風已四載失於修遇大祀褻慢殊甚壬申夏余既修孔聖廟乃並捐廉修之邑之人歡欣從事不數月而告成凡正殿春秋樓三代祠皆重加丹牘明年癸酉又將樂樓鐘鼓樓墻垣甬道一切新之巍然煥然觀瞻頓肅是二年歲亦稔此可見帝之呵護靈人者至而靈人之事帝者謹也雖然帝無私者也自今以往其益孝而親敬而長睦而戚黨信而朋友庶幾帝之佑之以永保此平安乎若猶是不孝不敬不睦不信則帝正以祖墓故恐若輩波累之必將鑒察而譴責之不遺餘功其能反爲爾寬乎甲戌秋工旣竣誠恐邑之人或忘此言也因紀月日起訖而并泐於石

重修夫家山 娘娘廟記

周 淦

同治十二年癸酉春我

皇上

聖學已成將親政詔天下帝王陵寢先聖先賢祠墓及廟宇之關祀典者飭所在地方官一切修治時余令靈寶三年矣履任後凡文廟武廟邑厲壇皆已次第興修獨縣之東有山巍然曰夫家山山之頂有廟巍然曰娘娘廟乃地方官春秋祭祀所必及朔望行香所必至而都人士求

靈寶縣志

卷之七

藝文中 記

三

雨求子所必不遺者顧猶傾圮蕪穢竟爲無賴子窩藏之所一日香畢四顧徘徊乃不禁慨然曰有是哉此無怪靈邑縣運之不振也夫家山起脈於縣東南之乾山由乾山蜿蜒北趨忽折而西駐於此下臨縣治太行屏其北龜山蛇山障其南太華遙拱黃澗交流在其襟帶青鳥家以爲縣之主山詩曰泰山巖巖魯邦所瞻墟之有夫家山其卽魯之有泰山歟靈邑在豫西爲鉅邑本車馬輻輳之區人文薈萃之地也在昔唐之楊憑祖孫明之許進父子聲華烏奕先後相望其餘掇巍科登顯仕者尙指不勝屈獨我

靈寶縣志

卷之七

藝文中 記

元

朝二百年來風氣日趨日薄人情好利士習委靡求其志趣卓然可爲衆人表率者十無一二卽登甲乙榜者亦寥寥不過數人豈山川靈氣亦有時竭乎何古今人之不相及如此也查娘娘廟不知始何時攷縣志娘娘以祈雨靈應經前明縣令王田列入常祀而廟內荆時薦所書榜字則在萬歷年間正是邦人文鼎盛之際由前日之盛以推今日之衰則或者卽此廟頽廢所致乎今欲培植人文而置此廟不修是何異治河而不疏其源也不亦悖乎爰以是意謀於衆僉以爲修之宜乃先捐錢百緡爲倡同城官

紳士庶亦轉相丐集又復陸續籌畫共得錢壹千四百五十餘緡將正殿享堂兩廊粧樓舞臺傾者悉起舊者悉新四圍悉繚以垣又添築景靈臺一座道房三間而山半龍神祠及山下大門皆一律修治崇闕壯麗煥然一新自西來者第見仙山樓閣矗立雲霄目炫神悸直以爲滿函關皆紫氣也他日出其正氣以篤生賢喆又散其靈氣以霖雨蒼生不惟時和年豐而人文之蔚起直上追乎唐與明之盛則今日興修之力爲功顧不鉅哉工始於癸酉年二月訖於甲戌年七月首事等丐余爲記因書此以付之至

靈寶縣志

卷之七

藝文中 記

三

山之得名與仙之顯應景靈臺記已畧言之茲不復贅云

夫家山景靈臺記

周 滄

聳然於靈寶東關偶一登臨輒不禁三晉雲山二陵風雨之感者夫家山也攷縣誌山在縣治西南八十里許漢時李氏二女及笄弗嫁母勸曰女當有夫家女指後山曰此吾夫家也後借其母俱仙禱雨輒降山由是名邑人奔走爭先道遠恐弗及因於東關山頂肖三仙像立廟以祀并卽其名呼焉凡遇旱必以禱後有以求子往者亦罔弗應詩曰維嶽降神生甫及申其信然歟既無往不在復無求

不得甚矣仙之靈也余沿靈之二年歲壬申偶因子少一
禱果驗心異之而廟經兵燹後頽廢幾不堪矣先是城守
吳君超亦如是得子因與倡捐共得一千四百緡付首事
荆梓等督修之計正殿三楹捲棚三間東西廊各一向後
粧樓前舞臺暨四圍墻垣胥令一律完整舞臺北尙餘地
數弓爰添築層臺建複室其上爲宴游所以癸酉二月興
工越九月歲事落成日都人士相與觴於臺而請名於余
余乃憑臺觀之見夫縣城伏於前雉堞譙樓瞭如指掌又
有水自西南來兩山如龜如蛇挾之入黃則宏農澗也黃

靈寶縣志

卷之七

藝文中 記

三

河之來也浩浩蕩蕩勢將撼城乃折而東趨衝波急浪中
帆檣往來出没無定非天險乎黃與澗之交忽若城闕湧
出截住西行驛路所謂函谷關也尙有騎牛而過者乎其
故宅猶巋然河上也極目西望華峰側面如覆斗然雨後
愈明易一地焉卽不見北則太行中條自西蜿蜒而東忽
起忽伏忽坐忽立忽隱忽見四時朝暮之景不同難一覽
而盡也大哉觀乎吾烏乎名之僉曰我公之來也不作霖
於我邦以教以養休息我民我民愛公深咸樂從公游今
踴躍而爲此臺其視古靈臺奚若余瞿然目余何修而敢

以靈臺比也今諸君既欲靈此臺余豈必謂臺之不靈乎亦竊願景焉云爾乃以景靈名焉將爲諸君勉之庶不爲山之靈所竊笑也今諸君礱石待記其卽以此言書之

創建靈邑泮池聯奎亭記

邑人戶部主事李鏡江

邑之泮池在東南隅城外故無亭有泉曰育賢涌出池中前明函谷夫子許莊敏公所謂伊川活水者也湧於魚洞城爲門三以屬費其外爲垣繚而曲水瀼瀼自垣下出日夜不息有逝者機焉考邑乘泉不詳其所自始明正統初始爲池漢晉以還賢喆挺生尙已由唐迄明科目得人最

靈寶縣志

卷之七

藝文中記

三

盛勳名亦彪炳相望洎國朝二百餘年與甲乙榜者接踵所謂育賢當不誣然邇來已浸微矣豈天時有代謝歟地氣有盛衰歟抑人事栽培之不力造就之無方歟咸豐末粵皖各逆東西竄突蹂躪鄉井逼近城垣加以兵差絡繹如織池當孔道墻四圯泉遂淤魚爲人食幾盡水涓細僅如簷溜青鳥家以爲不便邑人士病之未治也今

上御極之九年歲在庚午涪陵周侯遠紹伊川真傳近守墨

潭家法以承明著作之才蒞任茲土甫下車詢民疾苦尤毅然以作養人才爲任俗故多訟習侈靡侯爲作長歌

如白香山詩老嫗皆解又勒例禁六條家喻戶曉民化之
期年百廢漸舉節創立義學十九所增修書院齋房十餘
間凡經籍非坊間所習見購而儲之者且數千卷復優其
廩給嚴其課最一切皆循循有法士尤德之未幾復捐廉
四百餘金闔邑人士醜助之始作亭於池上名曰聯奎額
之曰芹藻萃芳翼以聯日客亦知夫水乎龍門未遠有能
從吾遊者雁塔同登於是傾者築淤者瘠漫漶者丹艧及
落成自亭坐觀之上則羣鳥飛鳴聲流樹杪下則錦鱗游
泳淨挹天光 侯公暇輒集紳董及肄業生童游息其間

靈寶縣志

卷之七

藝文中 記

三

載酒賦詩論文問字娓娓竟日環而觀者或芻蕘或負販
有跛足者引領者有瞻望欷歔如弗及者有竦立拱手流
連不能去者殆如堵牆與魯之頌小大從公將無同 侯
顧而樂之從遊者有榮施焉僉曰勝會也不可無記時余
與宏農書院講席咸以爲請辭不獲自維譎陋不足以詡
揚德意顧念邑多士塵訓親承蛾術共勵將異日謁金門
步玉堂勒名鐘鼎紀績旂常接跡於歷代諸先達以推及
於無窮則 侯之志卽 侯之賜也亭與池且不朽矣是
爲記

邑有大差至先一月有文告曰某官某將以某事於某月某日赴某處沿途經過各州縣其小心伺應毋有誤州縣官聞此言也皇皇然如負重疚皆各遣丁票差分投趕辦計差到前一日將所需公館酒席鋪墊車馬及一切應用之物皆一律備齊乃或備齊而又不至或遲之久而後至至之日本官先令儀仗出境迎然後率同城文武吉服於郊外俟乃或又不卽至徘徊道左涼風四起塵垢滿身腸饑轆轤作雷鳴如是者又逾時始據探焉報曰至矣果見

靈寶縣志

卷之七

藝文中 記

三

旌旗搖曳音樂悠揚朱蓋前張肩輿得得稟事者忙持手版跪道唱名接所謂某官者亦若弗知仍前行直俟本官已向輿前揖乃命停輿從容下笑謝曰何勞遠迎也到館細敘耳再欲有問則一揖後已上輿人馬喧闐蜂擁而去鑼鳴礮响已抵館門一時呼水者呼茶者呼酒飯者鋪墊燈燭者本官上下伺候集數十人環聽指揮猶虞不給至次日啟行郊送亦郊之鳴乎以一差之過而瑣屑煩難如此矧靈邑爲東西孔道歷年軍務浩繁絡繹差旌不知凡幾當其接差未至欲待尙早欲歸恐遲使非有數椽之覆

以蔽風雨人非金石其何以堪則官廳顧可少哉靈邑城
東二里許舊有官廳一座毀於兵者久矣今年夏余修函
谷關門卡成因并捐廉修之既竣工乃笑謂同城曰昔陶
靖節爲彭澤令上官至吏白以當束帶迎靖節曰吾不能
爲五斗米折腰遂引去推靖節之意一束帶尙不可倘如
今世迎送上官禮節之卑且煩又當何如耶夫以州縣治
民之官當其坐堂皇杖則杖笞則笞輒其尊也及一旦見
上官而亦蛇行匍伏形同奴隸又何卑乎靖節晉高士固
宜其不屑而去之雖然在官言官敢憚此乎孔子曰在下

靈寶縣志

卷之七

藝文中 記

三

位不獲乎上民不可得而治矣子產事上敬孔子謂其君
子卽鄉黨記孔子在朝亦極形其恭敬蓋上下所以相臨
者分耳民也何知使非見夫州縣治我者今亦治於人未
必曉然於尊卑上下之不敢踰而桀驁之氣將何以馴之
則夫官之屈爲民屈也要其所以不屈者自在也使人人
皆靖節也誰與 朝廷治此民乎士各有志各行其是可
也願以告後之治此民而蒞此廳者是爲記

豹喻泉記

拔貢 許春臺

邑南四十里有坡底村背原而宅村南豹子溝泉源之所由出也考之外記墨有名喻糜者喻黑色泉深碧似之清宜煮茶俗又號爲無根水世無劉伯芻惜知味者鮮耳圓中規深不可測土人結板覆其半以便汲引方之半月其形勝何讓焉是泉也仰而眺栢臺俯而瞰門水左右而環抱者村落百家水田綠繞樹木之森蔭花竹之芬芳致足樂矣至於春煙秋雨杳冥無垠夕月晨風倏忽異狀此尤極三時之美觀而稱快者乎皆於泉之上寓之谷口豁然

靈寶縣志

卷之七

藝文中記

三

去路不過數武非人迹罕到處特一邱一壑往往視若無覩如惠州之卓錫廬山之瀑布柳州東坡之鉅鋤仙遊不有人焉覽勝搜奇屬諸管城子楮先生吾知遐陬僻壤間湮沒者迄今指不勝屈矣獨是泉也乎哉岸之西南有石碣約四尺許不知書自何人止以名其泉其顛末亦無可考邑人惜其久而無傳也因屬記於予予謝之第思秦嶺項城諸名勝得前賢而名益彰予愧非其人顧泉若發蒙矣

碑銘

古函谷關銘

唐 獨孤及

王者建邦經野觀象立極於是重門擊柝以待暴客故封畧土宇守在關塞山川邱陵爲之城池天作峭函俾屏京室崇山迴谷連岡叢倚長河屈盤萬里來東崖奔嶺蹙谷抱谿鬪崛起重險爲秦東門截函夏於閭闔鎖天府於戶牖外阨八州之咽喉故百二形焉內權六合之輿區故霸王出焉當其中原鹿駭戰國崛起嬴氏建瓴山東擇肉宇內持戟百萬連衡此關是時也開門而九國師遁振策

靈寶縣志

卷之七

藝文

碑銘

一

而二周鼎入奄有大寶遂吞中區滄江返秦壁天佑漢祚高皇帝提劍而起以遏亂畧斬白帝繼降王舉漢中兵平咸陽廓全城以建都活萬姓以三章取威定功此焉是保粵若詢事國牒聆風仙籙則貞氣靈蹤起乎其中柱史一去流沙萬里留玉函於舊宅傳保圖於本枝豈上帝乃眷興王是感不然何錫羨開國如此其大歲在大火余適下陽停驂塞門憑覽舊國襟帶如故世道不留秦餘空山漢遺茂草恐復舟失於壑岸化爲谷萬載之後昧者不知乃刻頌此石以示來裔其辭曰天地雷雨英雄交爭設險守

因作藩於京姓易時移山空塞平千秋陵谷想見精靈仙
駕長往雄圖杳冥於以志之勒銘巖扃

老子故宅碑銘

明許

粵惟紫氣東臨青牛西渡元元過化以存神關令望風而
知異含精遲駕闡教著經棲息仙房永著桃林之塞靈修
故里賁彰天寶之符道德名言本原河上法籙宗旨出自
關門雖世代之沿革靡常而廟貌之尊崇罔替迨有明興
治準百王禮隆三教躬尙元默之化郡設道錄之司睠此
遺宮秩以祀典因仍既久倣陋滋多正德中邑耆焦公溥

靈寶縣志

卷之七

藝文中

碑銘

二

悵往跡之將湮慨今規之未壯於是拓故鼎新不遺餘力
層臺巍閣始稱竒觀少傅許文簡公勒以紀贊邑侯苟小
川公載之志乘蓋爲一方大刹千古名區矣比旃蒙單闕
之歲有堪輿震動之虞棟宇剝摧垣墉傾圯靜甯州守紹
恩溥之姪也鴻臚署丞絳西安幕府纘溥之從孫也念先
德之當成思祖武之宜繼加意修葺永圖維新乃爲東西
道院二所便羽客之藏修殿閣過亭三楹鬱神宮之冲邃
節椽麗藻山之美金碧煥日月之光誦法者爰處爰居瞻
禮者來遊來息爽塏揮霍勝概與河嶽爭雄幽闥清虛風

景與蓬壺並秀鳴呼道德尙矣仙源遠矣固非可道可名
但市朝累變陵谷代遷而遺址歸存萬劫不廢非天下之
至神其孰能與此不辭染翰爰勒貞珉銘口兩儀未判大
道無名是謂元始三才既立化育流行震動良止萬物芸
芸元牝之門谷神不死聖王有作撫世因時結繩而治信
薄禮僞道降風靡迺周之季篤生太上道在厥躬爲柱下
史矯矯龍德唯聖知之於斯問禮流沙命駕吾其化彼匪
以逃世霏霏紫氣鬱鬱關門聿來尹喜道由心遇經以言
傳留宅茲土瞻彼遺宅歲月悠悠名聞寰宇興廢舉墜焦
靈寶縣志

卷之七

藝文中

碑銘

三

氏義門有光號里蓮峰西峙嵩嶽東環黃河背指川原映
帶松檜從芊洞天福地岌堯碧殿寥廓元壇角冠霄禮鍾
靈聚順翊我皇明百千萬紀

晉武悼楊皇后廟碑

許詩

先太保襄毅公 賜葬靈寶城南石嘴山麓巔有廟日思
鄉以祀晉武悼楊皇后者莫知所從起考圖記史傳后諱
芷字季蘭號州宏農人元后從妹大傅駿女咸甯三年武
帝立爲皇后婉嫕有婦德美映椒房生渤海殤王早薨遂
無子帝崩尊爲皇太后賈后惡太傅執權且誤恨后構已

遂誣爲謀危社稷族誅太傅廢太后詣金墉城爲庶人絕膳而崩仍覆而殯之時年三十四在位十五年至懷帝永嘉元年追復尊號謚曰悼還葬駿陵相傳后大漸時遺命有首邱意廟東大塚卽覆殯舊墓故號其廟曰思鄉理或然也環廟數十里春秋祈報於是疾疾祈禳於是子嗣祈禱於是咸若有答焉正德辛巳詩姪鄉貢進士儒以棟宇將頽宜有加飾乃易圯榱腐瓦落青剝丹而新之旣畢功神人胥悅廟祝張英等請刻廟石以彰厥靈余謂后生有懿德用物精多竟遭大逆之變含恨而崩得之天者未盡

靈寶縣志

卷之七

藝文中 碑銘

四

施故迄今千餘年猶著其靈於故土禮曰祭祀有祈焉有報焉有由彌焉今后之對於禱祝如反左券祈報由彌蓋兼有焉宜廟食茲土而宣其烈也遂相與拜手稽首頌神德俾歌以祀焉其辭曰於維楊氏允矣碩宗勲名德業世望宏農於彼晉代篤生聖女徽柔婉婉皇英可侶應乾作配明德日盛萬姓欣戴朝野同慶戴勝降乘躬執篚筐郊廟有服靡不質良內治陰德嬪姬率服外輔陽教羣工穆穆彼凶肆虐誤德爲仇禍延九族金墉永幽六宮含怨四海側目彼凶雖磔人怨未伏耿耿精靈惟懷故里千祀於

茲神時戾止石嘴之巔既夷且差宏農之流實抱其阿作
廟有巖號曰思鄉歷歲滋久棟墉摧傷我姪感斯維新其
宇百工告成崇報孔溥祈兮禱兮如響斯應默佑陰福有
靈有證華嶽我我河流熒熒或往或來互著厥靈我頌既
勒祈爾純祉我私且後願先桑梓

何侍郎神道碑

長沙

李東陽

大學士

戶部右侍郎何公仲衡自山西被召命時屬足疾累具疏
辭上憫其懇誠特許致仕越五年卒於正寢年七十六矣
其同年進士張君器之嘗同官西臺知最稔以予媿介春

靈寶縣志

卷之七

藝文中 碑銘

五

坊左中允賈君和鳴狀請銘神道按何之先出開封宋靖
康間有諱貴者避亂靈寶始居之國初有諱欽者舉賢良
方正歷饒州保定二府經歷是爲公會祖祖父諱茂以公
貴累贈都察院右副都御史考諱濬起貢士累官南康知
府贈亦如之公諱鈞仲衡字也八歲時從南康君遊太學
穎敏強記成化戊子舉河南貢乙未擢進士第試工部政
奉使襄陵王府修闕里陵墓戊戌授太常博士辛丑被簡
爲浙江道監察御史督捕京畿東路盜賊監通州倉出閱
甯夏邊儲防禁不弛巡按四川播州楊友者讐其嫡弟愛

謀奪其官誣其叛謀命刑部錦衣衛暨巡撫都御史曾公
往勘友黨有健訟者公理折之友乃引伏安置保甯事始
定監鄉舉事時稱得人受代歸省值父病篤留闕月比居
喪含歛如禮復召命而後襄事母李淑人之喪雨經月不
止公號泣於天及葬而霽已乃復雨人皆異之服闋改山
東道勘諸司文卷姦無所宿名益起擢大理右寺丞京東
人人貢者爲官軍誘殺獄連數千人久不決公徃直其事
不爲勢屈遷右少卿勘陝西邊事於時大獄數十人當坐
死公據法原情多得末減癸亥始擢右副都御史巡撫山

靈寶縣志

卷之七

藝文中

碑銘

六

西兼督鴈門諸關乙丑歲大稜太原平陽饑民多轉徙公
賑貸招集有復業者敵覘知官軍出援宣府乘間入邊報
忽至公斬崖設窰出兵邀之敵乃退會京倉提督官闕乃
有戶部之命邊人皆戀戀不忍釋公體貌魁碩氣揚揚不
下物明習法律剴折繁錯隨所至能取聲譽與人近厚恤
拯難皆力爲之性度坦率不曲爲鈎距居家尤雍睦外暨
族黨鄉閭皆樂稱之官至曹省而遽歸邱壑論者以爲弗
究其用云銘曰國有重臣維臺省地一之旣難矧得其二
維何氏彥爲名御史行臺出巡越在西鄙東曹內遷實佐

邦計而卒弗試誰尼誰使其名則成命亦然爾生行死歸
兩得其理恤恩在茲以與終始

許襄毅公神道碑

鄴城

崔

銑祭酒

許氏系出周文叔傳至許伯爲楚人後世遷同州再長安
由隋唐來至金元代有聞人最貴封譙國公及相唐高宗
詳在家乘金時諱威者爲兵馬都元帥始居靈寶傳七世
爲教諭聚娶何氏正統二年丁巳五月三日生許公諱進
字季升號東崖甫年十歲通小戴記遂以是經舉成化丙
戌進士已丑授監察御史再遭母喪至乙未始出按甘肅

靈寶縣志

卷之七

藝文中 碑銘

七

岷州土人利邊地貨潛相結姻邊因之爲寇公相險要設
橋寨分兵防守又諭利害令罷姻邊乃靖已亥還京掌三
法司事巡按遼東御史強珍劾幸闖汪直妄殺東邊人冒
賞而兵部阿附奏行直誣愬珍詔以檻車逮珍下詔獄公
抗疏伸珍擊直珍竟戍遼陽公奪俸數月道士以黃白術
干湖廣總兵李震不售誣首震自南京回舟次洞庭招亡
軍爲亂直奏逮李氏百口至京獄官鍛鍊已成憲皇恐冤
之改命法司官讞衆皆惴碎公列狀以上卽日磔道士於
市戒戢直緝事者直百計害公亡從偵隙壬寅八月浦三

考晉山東按察副使瀕行却李震饋謝千金癸卯監秋試
諸使置貴臣子於第公堅守不可宏治戊申正月晉廣西
按察使二月晉右僉都御史巡撫大同北地人欲入邊未
成計以千人暨馬千乘入貢公請帑銀二萬兩供費嚴防
而恩洽軍備咸飭庚戌敵入塞列營三十里號六萬公因
事發謀中厥理緒馬行係帶於尾塵翳障天烽火日夜相
照比敵退不亡一鏃云劾奏鎮守石岩貪暴反被所擠辛
亥右官竟州知府蒞事寬簡或問何乃異昔日之嚴公曰
彼爲官法茲則有司彼不知者將謂予乘威虐下否亦曰

靈寶縣志

卷之七

藝文中

碑銘

八

憤悶不堪甲寅十一月晉陝西按察使乙卯甘涼寇患孔
棘孝皇命大臣往治弗任以公爲僉都御史巡撫甘肅西
域遂定丙辰八月進副都御史九月詔巡撫陝西時巡守
官鮮克幹事公令日藉所理每季稽其勤惰太監劉瑯恃
授姿橫公數禁之一日同舟泛陂適責其惡瑯不孫公奮
擊之墮瑯水中丁巳召爲戶部右侍郎太原周文端公爲
司徒協恭合力大釐國計朝政不便者上章諫爭罔限所
掌孝皇仁孝恭儉禮賢容下每痛孝穆太后上仙之遽求
其族不獲乃施恩后家但益其富弗假政權而公及文端

公篤於保治洽全主之忠嘗上言東宮親王則例每畝徵銀三分獨以五分厚戚氏是恩有偏施例爲徒具民乃君之赤子令以邱聰等田賜戚氏雖蠲原稅非聰等心實同奪之栢氏本亦妃親奈何不念先皇而奪其三十年之業乎庚申春命勘河間戚氏莊田事竣抗疏言實皆民間納糧養馬地土宜令照舊管業不得行四月命兼僉都御史提督宣大軍事貴臣子弟從軍倖功者不樂公嚴大造飛語六月奉旨師久亡功事多執拘令回京致仕自後公卿臺臣奏留公及推薦者凡四十八疏乙丑六月武皇卽位

靈寶縣志

卷之七

藝文中

碑銘

九

命驛取來京病淋不能行尋命爲兵部左侍郎正德丙寅四月詣闕下五月晉尙書疏勸武皇敏學止遊以古仁聖之君必可師以荒淫之君必爲戒京衛官有以賄求者公大杖數十於堂權要請託非格一切報罷數上言京軍工役之苦且曰永樂間大建宮殿定撥班匠十萬借撥軍匠數萬今爲內臣占令納錢運灰及磚罪人罰贖奈何以軍士當之十月初閣部臺諫共劾閣永成八人道上盤戲請誅之期在必克公語同事曰此屬得疏斥足矣果浚其事恐有甘露之變是月十日午刻太監李榮在順門傳旨召

部院大臣榮曰此屬上少所親倚今亦亡大過奈何置諸死此屬日夜牽御衣環泣上爲罷餐諸臣錯愕莫對公曰上富於春秋方當講學恢先帝之業爲此曹所誘逸久成荒何謂無罪榮曰上行遣矣諸公第歸幹國吏部侍郎王公鏊曰如不遣將復留上左右邪榮入是夜內閣劉文靖謝文正致仕明日逆瑾出管司禮文臣慘禍往往自殺君子曰許公之勇可及也知不可及也十一月晉吏部尙書已加太子少保公直聲久著風裁愈峻御史某滿三考及郎中某員外郎某偕結奧援必覬京秩公一日悉外補郎

靈寶縣志

卷之七

藝文中 碑銘

十

中某賂闖永成乃斥守黎平郎中李達忤大宰出守邊方乃改杭郡工侍某同公里閤託闕求改吏部公對衆面語之曰君年尚永秩已不卑循資而往不憂不貴乃托斯人速化乎逆瑾啣公日甚而輔臣畏其沮格所私積怨叢讒乃起安定張綵入文選冀間公戊辰七月推署員外郎劉吉爲署郎中舊典也瑾謂公越選法矯旨令致仕秋感疾八月十有八日終於正寢享年七十有四九月瑾伏誅詔公致仕已遣官營葬贈太子太保嘉靖五年冬席支簡在禮部復議御史陳克宅陳察奏謂公應行謚法謚襄毅公

銘曰奕奕許氏維周之裔培根枝遂維百斯世爰發厥祥
公降適期堂挺孤操聿賦宏才我我憲府堅秉大法何奸
不擊何部不發邊壽斯峰擾我朔方公底定之險成康莊
爰貳邦教賢長協圖日上危言日際明主陳力靡績返服
東厓有載其壁公立與偕再召而起資總文武百僚仰公
爲周吉公權闞扇虐如林斯焚我持一心可事百君世之
趨競公辟如汚世之憚棄公履如涂震不及躬天克有定
綿綿來嗣佐我嘉靖

許莊敏公神道碑

任邱

李

時

大學

靈寶縣志

卷之七

藝文中 碑銘

二

資政大夫南京戶部尚書贈太子太保諡莊敏許公既葬
大司馬儀封王公子衡爲誌其墓公之弟戶部尚書廷美
以神道碑請乃按狀叙而鑱之公諱誥字廷綸別號函谷
公生有異兆出就外傳之年卽治禮經能文未幾與弟松
臯公聯芳鄉薦己未登進士第授戶科給事中按劾不避
權貴嘗清理邊務邊人懷服不忘乙丑遷刑科右給事中
建明均考察諸政各著爲令襄毅公以耆舊起大司馬公
乃改翰林檢討庚午以父喪去位遂不仕杜門究心理學
尋用言者薦起爲尙寶丞旣而復謝病歸壬午上改元以

通政叅議召公丙戌上聖學日以輯熙命輔臣各舉所知以備侍從公被薦改侍講學士屢進講剴切多當帝心上四事皆格要論益蒙眷注尋擢太常卿掌國子監事敦風化尙質行教士以經濟爲學不貴浮譎學者化之初文華殿塑孔子像帝以古制惟用木主欲革近代陋習得公所上道統書甚稱旨卽爲撤去更立伏羲神農皇帝堯舜禹湯文武周公孔子主仍詔輔臣與公九人諭意命各爲講章以進公衍中庸喜怒哀樂章帝是其說自後朔望帝必躬祭祭品必賜公以爲常辛卯開講於無逸殿錫宴豳風

靈寶縣志

卷之七

藝文中

碑銘

三

亭明日公以無逸篇中宗受命敷之講義上進帝善之王辰擢吏部右侍郎適當入覲年四方觀聽咸萃都下公嚴重絕請托人無敢干以私擢南京戶部尙書時松臯公爲大司徒居北公居南並躋台座世羨其榮癸巳請老帝不允甲午二月將修朝賀如京忽一夕痰疾作卒年六十有四公平生敦尙節行天性孝友尤邃於理學爲國大臣恒以古之大儒自期所著有通鑑前編圖書管見道統源流詩考易參春秋意見中庸本義太極論性學編諸書咸有補於正學云詞曰早聞至道聖賢追駕志在經綸霖雨天

下既忤宦孽遠投殊方瘴烟巖風道阻且長天惟吉相終
保厥臧生還鄉閭爲道益光聚徒青門究學願真林臯山
水若將終身嘉靖龍飛泰運鼎新詔起遺賢困抑用伸公
日行矣明時難再彈冠就道不謀諸內講帷日侍天章之
對賢關簪台蘇湖教在天子是毗天下是師乃登銓曹百
工惟時載司計部出納惟期方占大究遽友赤松著述日
富先哲希踪公其歸只山峙流淙

許文簡公道神碑

徐階 大學士

嘉靖戊申七月二十五日前少傅大學士許公卒於家先

靈寶縣志

卷之七

藝文中 碑銘

三

是乙巳冬公搆疾乞骸骨甚切上憫留亦甚切乃連疏懇
辭上不悅曰少傅輕去朕耶其奪秩令歸公行而病增劇
既還里復廼三載竟因舊患不起又四載嗣子僉起復來
京師乃始上疏告訃叙公病歸顛末上嗟悼曰少傅果非
負朕者乃悉復公官仍贈少師賜祭葬謚文簡恩禮備厚
蓋至是而公不獲已之情上眷不忍釋之意益章章焉乃
僉則請予書諸墓道之石予與公同在秘閣交誼最深胡
可以辭公諱讚字廷美河南靈寶人性穎悟博學宏治乙
卯以禮魁於鄉明年進士授大名府推官召爲監察御史

襄毅位冢宰公例當避臺秩廼改翰林編修時逆瑾擅政怒襄毅不已附誣以他事矯詔罷之而並出公爲臨淄知縣丁襄毅憂服闋陞浙江僉事陞副使理海道改山西提學政至則先德行而後文藝士習丕變歷陞四川叅政按察使浙江左右布政使召爲光祿卿轉刑部侍郎拜尙書先是揚州商袁英者武廟南狩錦衣指揮施恭怙權當勢矯詔籍其家至是英妻訴聞屬公訊理權者日偵伺鼓釁爲挾持計公不爲動竟寘恭典當時復有薛侃迎親藩之議詹啟訐銓部之詞張紳之薦劾朝紳劉永昌之誣詆省

靈寶縣志

卷之七

藝文中

碑銘

古

閣皆事關國紀連及大寮甚衆諸司恐懼失措公從容裁決持法甚平務存大體上悉從之而縉紳賴以安改戶部尙書河南軍餉舊兌於大名府小灘有奏改他鎮者公曰利不百不變法乃今增役創置勞費且十倍勿改便又有議令有司積穀備荒以多寡爲殿最者公曰預備既有倉令舍此而別積穀徒增苛歛勿從便兵部議興甘肅屯田發銀三十萬兩公曰兵弱敵強士不得耕徒損國儲非計凡所規措務循舊則數報罷新議曰毋徒徇名貽害也以鹽法久滯疏陳諸弊列通商事宜皆經久可行聞高大夫

人病疏乞終養不允令給驛歸省高卒哀毀踰禮時吏部缺尚書廷推數人上皆不許詔特起公候服闋蒞事其爲上所簡用若此旣至乃首疏決壅滯公薦舉復久任停無故改調之途抑奔競濫陞之習上皆嘉納六載考績加大子太保己亥冊大禮成加少保扈從聖駕南巡疏節程途以保聖躬上褒答勞錫之辛丑廟災引咎乞罷詞甚切詔許致仕給驛歸上雖從公請而意不釋吏部復缺尚書廷推數人又不許仍起公蒞事至則疏尊朝廷正士風二事又上安邊方畧數千言條列諸弊政乞釐治又奏中官以

靈寶縣志

卷之七

藝文中

碑銘

七

工陞大濫乞惜名器悉蒙採納甲辰一品六年考績加太子太傅尋命兼文淵閣大學士入閣辦事公旣叅揆衡益務慎密翊贊宏多每議大政叅酌可否國是裨焉乙巳太廟成加少傅無何疾作乞休遂有賜歸之命歸出賜金徧惠鄉族曰吾不忍自私也又助修孔廟山川壇歲旦暨聖節必扶掖北向稽首祝賀不少廢疾革則謂諸弟曰吾父子兄弟俱列上卿吾以涼德受主上寵甚渥知甚深故數履危機卒賴保全今已矣爾輩有官守者當思圖報遂卒公德性溫粹意氣凝定坦逸康樂而涇渭不淆直率經畫

而應變無窮蒞官翼翼小心以不欺不怠爲主在吏部前
後凡十年每銓注必論才高下與地繁簡兼風土南北而
劑量之覈諸司公而恕或疵以細故飛語恣置不行以是
人德之好著述老而不倦所著有松臯集續集讀史詩論
五經臆說三曹奏議若干卷嗚呼公之德澤在四方勲績
在省閣孝友在家庭懿行不可殫述乃特撮其大者云
爾銘曰嵩華之間河洛濱桃林葱鬱佳氣屯元戎卜宇貽
厥孫有來八葉開祥源名世者出勲業掀纓紱軒駟輝盈
門公尤行業軼弟昆粹姿雅韻同瑛璠銓衡繼秉譽望尊

靈寶縣志

卷之七

藝文中 碑銘

六

遂參鈞軸入台垣聽言藹若春風溫讜論勃發洪河奔豐
功偉績銘彝敦上書謝病卧邱林抱忠耿耿歸幽窞上聞
悼恤恩禮繁心事皦如朝日曠浩然正氣還乾坤直騎箕
尾謁帝闈扶翊邦國保元元神之上下公猶存

重修晉武悼楊后廟碑

國朝 許宰

春秋二百四十二年左氏記災祥神異之事屢矣儒者多
不道疑近於誕今觀重修楊后廟事令人惘然信焉后廟
建於先襄毅公賜葬之南巔余總角時蒞其地廟貌猶壯
後漸頽圯棟梁榱桷或爲汚黠者所市前邑侯胡公欲重

修舉未果張侯蒞任有巫降署中道后本末甚悉且言舊材木鬻賣寄頓之事密踪之果如操券侯驚異遂捐貲修焉后廟不知所自叻邑中祈豐年求子息相傳有禱必應顧后之靈能歷千祀香火而不能不暫歇一時且不早降神於網利黠民作奸犯科之日豈廟祀暫廢久興有數存與然惡不終隱久而彌彰者蓋祀典所載有其舉之莫之敢廢况后生爲聖后沒爲明神非諸邪祀可比而靈邑係桑梓故地廟貌於斯陵寢於斯靈爽在天胡可撲滅彼凶人之能爲者人也其惡之終不可掩者天也初張侯重建靈寶縣志

卷之七

藝文中 碑銘

七

止正殿享堂其兩廊火星子孫娘娘諸神祠未及修葺邑親友蘇毓泰等以數年前首事之人有志必成力募十村然後門堂寢室一復舊規落成屬余作文記焉余惟后本紀及梓宮歸靈故事或徵信史或得傳聞余六世嫡祖工部主事公碑載甚詳無庸贅今載其事之信而可爲法戒者示惡無隱而不彰者如彼則善以積而衍爲餘慶益信後之覽斯文者其有所勸也夫其有所戒也夫

祭文

祭關龍逢文

王勤

歲日月謹以清酌之奠致祭夏忠臣關生之靈曰聖貴達節賢貴識時興亡有運用舍有期馮河暴虎前哲所嗤身滅主喪如何勿思我因行役歷於荒祠壯山河之舊壤歎墳隧之餘基松枯栢悴草密苔滋託深悲於薄醑魂有靈而饗之

祭許四公文

明王田

嘉靖三十三年知靈寶縣事王田致祭名臣太子太保吏

靈寶縣志

卷之七

藝文中 祭文

六

部尚書累贈柱國少傅大學士許襄毅公曰惟公才兼文武名動華彝身係安危功高社稷若太子太保戶部尚書許莊敏公地卿重寄國師隆儀德懋啟沃道崇著述少師吏部尚書大學士許文簡公在能命德補闕保躬剔歷三部弼亮四朝太子太保兵部尚書許恭襄公九邊圖論三捷軍功簡在中樞威宣外徼誠所謂世篤忠貞咸當崇祀者也惟茲仲秋謹以剛鬣柔毛粢盛庶羞用伸嘗薦

傳

楊尙希傳 節錄唐史

楊尙希宏農人也祖真魏天水太守父承賓商直浙三州刺史尙希齠亂而孤年十一辭母請受業長安涿郡盧辯見而異之令入太學專精不倦同輩皆共推服周太祖嘗親臨釋奠尙希時年十八令講孝經詞旨可觀大祖竒之賜姓普六茹氏擢爲國子博士累轉舍人仕明武世歷大學博士太子宮尹計部中大夫賜爵高都縣侯東京司憲中大夫宣帝時令尙希撫慰山東河北至相州而帝崩與

靈寶縣志

卷之七

藝文中 傳

九

相州總管尉遲迴發喪於館尙希出謂左右曰蜀公哭不哀而視不安將有他計吾不去將及於難遂夜中從捷徑而遁遲明迴方覺令數十騎自驛路追之不及遂歸京師高祖以尙希宗室之望又背迴而至待之甚厚及迴屯兵武陟遣尙希督宗室兵三千人鎮潼關尋授司會中大夫高祖受禪拜度支尙書進爵爲公歲餘出爲河南道行臺兵部尙書加銀青光祿大夫尙希時見天下州郡過多上奏曰自秦并天下罷侯置守漢魏及晉邦邑屢改竊見當今郡縣倍多於古或地無百里數縣並置或戶不滿千二

郡分領具察以衆資費日多吏卒又倍租調歲減清幹良才百分無二動費數萬如何可覓所謂民少官多十羊九牧琴有更張之義瑟無膠柱之理今存要去閑併小爲大國家則不虧粟帛選舉則易得賢才敢陳管見伏聽裁處帝覽而嘉之於是遂罷天下諸郡尋拜瀛州刺史未之官奉詔巡省河南還除兵部尙書俄轉禮部尙書授上儀同尙希性宏厚兼以學業優通甚有雅望爲朝廷所重上時每旦臨朝日昃不倦尙希諫曰周文王以憂勤損壽武王以安樂延年願陛下舉大綱責成宰輔繁碎之務非人主

靈寶縣志

卷之七

藝文中 傳

三

所宜親也上懼然曰公愛我者尙希素有足疾上謂之曰蒲州出美酒足堪養病屈公卧治之於是出拜蒲州刺史仍領本州宗團驃騎尙希在州甚有惠政復引漢水立隄防開稻田數千頃民賴其利開皇十年卒於官時年五十七謚曰平

魏德深傳

節錄唐史

魏德深本鉅鹿人也祖沖仕周爲刑部大夫建州刺史因家宏農父毗鬱林令德深初爲文帝挽郎後歷馮翊書佐武陽司戶書佐以能遷貴鄉長爲政清靜不嚴而治會興

遼東之役徵稅百端使人往來責成郡縣於時王綱弛紊吏多贓賄所在徵歛下不堪命惟德深一縣有無相通不竭其力所求皆給百姓不擾稱爲大治於時盜賊羣起武陽諸城多被淪陷惟貴鄉獨全郡丞元寶藏受詔逐捕盜賊每戰不利則器械必盡輒徵發於人動以軍法從事如此者數矣其鄰城營造皆聚於聽事吏人遞相督責晝夜宜囂猶不能濟德深各問其所欲在隨便修營官府寂然恒若無事唯約束長吏所修不須過勝餘縣使百姓勞苦然在下各自盡心常爲諸縣之最尋轉館陶長貴鄉吏人

靈寶縣志

卷之七

藝文中 傳

三十一

聞之相與言及其事皆歔歔流涕語不成聲及將赴任傾城送之號泣之聲道路不絕旣至館陶闔境老幼皆如見其父母有猾人員外郎趙君實與郡丞元寶藏深相交結前後令長未有不受其指揮者自德深至縣君實屏處於室未嘗輒敢出門逃竄之徒歸來如市貴鄉父老冒涉艱險詣闕請留德深有詔許之館陶父老復詣郡相訟以貴鄉文書爲詐郡不能決會持節使者韋霽杜整等至兩縣詣使訟之乃斷從貴鄉貴鄉吏人歌呼滿道互相稱慶館陶衆庶合境悲號因而居住者數百家寶藏深害其能會

越王侗徵兵於郡寶藏遂令德深率兵千人赴東都俄而寶藏以武陽歸李密德深所領皆武陽人也以本地從賊念其親戚輒出都門東向慟哭而反人或謂之曰李密兵馬近在金墉去此二十餘里汝必欲歸誰能相禁何為自苦如此其人皆垂泣曰我與魏明府同來不忍奔去豈以道路艱難乎其得人心如此後與賊戰沒於陣貴鄉館陶人庶至今懷之時有櫟陽令渤海高世衡肅令彭城劉高成臯令宏農劉熾俱有恩惠大業之末長吏多贓汙衡高及熾清節愈厲風教大洽獄無繫囚為吏人所稱

靈寶縣志

卷之七

藝文中 傳

三二

楊 憑傳 節錄唐書

楊憑字虛受一字嗣仁號州宏農人少孤其母訓導有方長善文辭與弟凝凌皆有名大曆中踵進士第時稱三楊憑重交遊尚氣節與穆質許孟容李鄘相友善一時歆慕號楊穆許李厯事節度府召為監察御史不樂輒免去累遷太常少卿湖南江西觀察使人拜京兆尹後貶臨賀尉以太子詹事卒凝字懋功由協律郎三遷侍御史為司封員外郎坐釐政嫡媵封邑為權幸所忌徙吏部稍遷右司郎中宣武董晉表為判官亳州刺史缺晉以凝行州事增

墾田決汙堰築隄防水患訖息子敬之敬之字茂孝元和
初擢進士第平判入異等遷右衛胄曹參軍累遷屯田戶
部郎中兼太常少卿是日二子戎戴登科時號楊家三喜
轉大理卿檢校工部尚書兼祭酒卒敬之常爲華山賦示
韓愈愈稱之士林一時傳布李德裕尤咨賞敬之愛士類
得其文章孜孜玩誦人以爲癖雅愛項斯爲詩所至稱之
繇是擢上第凌嘗客灞上見閩人濮陽愿閱其文大推挹
編語公卿間會愿死敬之爲歛葬

楊虞卿傳 節錄唐書

靈寶縣志

卷之七

藝文中 傳

三三

楊虞卿字師皋號州宏農人父甯有高操談辨可喜擢明
經調臨渙主簿棄官還夏與陽城爲莫逆交順宗初召爲
殿中侍御史終國子祭酒虞卿第進士博學宏辭爲校書
郎抵淮南委婚幣焉會陳商葬其先貧不振虞卿未嘗與
游悉所齎助之累擢監察御史穆宗初立逸游荒恣虞卿
上疏曰烏鳶遭害仁鳥逝誹謗不誅良臣進臣敢冒誅獻
警言臣聞堯舜以天下爲憂不以位爲樂况今北虜方梗
西戎弗靖兩河有瘡痍之虞五嶺罹氛厲之役人之疾苦
積下朝之制度莫修邊亡見儲國用寢屈固未可以高枕

而息也陛下初臨萬幾宜有憂天下心當日見輔臣公卿百執事垂意以問使四方內外灼有所聞而聽政六十日入對延英獨三數大臣承聖問而已他內朝臣偕入齊出無所諮詢諫臣盈廷忠言不聞臣實羞之蓋主恩疏而正路塞也公卿大臣宜朝夕燕見則君臣情接而治道得矣今宰臣四五人或頃刻侍坐鞠躬隕越隨旨上下無能徃來此由君太尊臣太卑故也公卿列位雖陟降清地曾未奉優賤承下問雖陛下神聖如五帝猶宜周爰顧逮惠以氣色使支體相成君臣昭明陛下求治於宰相宰相求治

靈寶縣志

卷之七

藝文中

傳

二

於臣等進忠若趨利論政若訴冤此而不治無有也自古天子居危思安之心同而居安慮危之心則異故不得皆爲聖明也 俄遷待御史改禮部員外郎史館修撰進吏部 李德裕之相出爲常州刺史李宗閔復入以工部侍郎召遷京兆尹大和九年京師訛言鄭注爲帝治丹矧小兒肝心用之民相驚扇護兒曹帝不悅注亦內不安而雅與虞卿有怨卽約李訓奏言語出虞卿家帝怒下虞卿獄於是諸子弟自囚闕下稱冤虞卿得釋貶虔州司戶參軍死子知退知權壇堪皆擢進士第 漢公字用文始辟興

元李絳府幕遷累戶部郎中史館修撰轉司封郎中更宜
武天平兩節度使卒子肅範仕亦顯 汝士字慕巢中進
士第又擢宏辭牛李侍之善引爲中書舍人開成初由兵
部侍郎爲東川節度使時嗣復鎮西川乃族昆弟對擁旄
節世榮其門子知溫知至悉以進士第入官知溫終荆南
節度使知至爲宰相劉瞻所善以比部郎中知制誥擢累
戶部侍郎楊氏自汝士後貴赫爲冠族所居靜菴里兄弟
並列門戟咸通後在臺省方鎮率十餘人

楊元炎 節錄唐書

靈寶縣志

卷之七

藝文中 傳

五

楊元炎者字溫號州人漢太尉震十八代孫生數歲未言
相者視曰語遲者神定必爲重器及長秀眉美髯崇眉博
頤居父喪七日不食服除補梓州參軍平棘令課第一御
史府表其政璽書褒厲再擢永甯軍副使忤用事者免載
初中爲安南副都護三徙爲京府長史五遷州刺史咸有
風績初張柬之代爲荊州共乘艦江中私語外家革命元
炎悲涕慷慨志在王室柬之執政故引爲右羽林將軍謂
曰江上之言君詎忘之今可以勉乃與李多祚等定計斬
二張進雲麾將軍封宏農郡公實封戶五百賜鐵券恕十

死敬暉等爲武三思所構元炎知禍未已乃詭計請祝髮事浮屠悉還官封中宗不許暉聞尙戲曰胡頭應祝以多鬣似胡云元炎曰功成不退懼亡我不空言暉感之然已不及計暉等死獨元炎全再遷衛尉卿又上官封願追寵其親帝哀憐贈越州都督長史李多祚死太子難元炎坐厚善繫獄蕭至忠救之免睿宗立數上書乞骸骨不聽四遷刑部尙書封魏國公徙太子賓客詔設位東宮太子爲拜俄致仕開元六年卒年七十九謚曰忠臨終敕諸子薄葬子仲昌字蔓以通經爲修文生對策元宗擢第一授蒲

靈寶縣志

卷之七

藝文中 傳

六

州法曹參軍判入異等遷監察御史坐累爲孝義令鸞降庭樹太守蕭恕表其政徙下邳終吏部郎中仲昌資長於吏常分父邑租賑宗黨御身以約善與人交士樂從之遊云

太保許恭襄公傳

明

汪道昆

當世世家首稱靈寶許氏蓋世及卿相庭中四極人臣作始則襄毅公代興則莊敏公文簡公恭襄公並以勲伐名世不佞待罪郎吏再得事恭襄公襄毅公有子如高陽公其季也高太夫人以宏治乙卯生公幼從襄毅公厯邊事

輒以操戈布陣爲戲喜談兵始就外傳善屬文襲毅公心
奇之旣冠而字之曰廷議正德己卯舉鄉試第四越七年
成進士奉使餉榆林邊士氣勃勃自負直將長驅沙漠封
狼居胥出理刑州以無害課最會仲叔並列卿貳例格臺
垣尋進職旣終高太夫人喪補禮部奉詔進九邊圖論世
宗嘉納之見者咸以爲切中時宜卽攘直無讓歲庚子由
尙書郎進南京光祿少卿尋遷南京大理寺丞釋囚汪敬
劉鎮寃獄會邊事起兩京交薦公可備急邊會推京兆撫
臣署公名居次上曰是嘗上九邊圖論者遂進都察院右

靈寶縣志

卷之七

藝文中 傳

七

僉都御史撫薊州公始入軍上備邊十二事要以振律宣
威汰冗蘇困居常選鋒團練攢槽餉秣士馬一新白通事
結敵入邊襲殺守備大掠而去公督將士設伏出奇斬白
通事及首敵四十人捷聞進右副都御史賜金幣躬歷諸
要害築邊城增敵樓造營房計出萬全登陴可守矣以勞
致疾請告西歸庚戌敵大入薄郊關廷臣詔薦公可屬大
事上覆閱圖論驗公蚤見亟召公嚴嵩故不可公公羈闕
下踰年得命出撫山西公籌山西一如籌薊上書力卻互
市厚戍嚴關疊疊數十章無不剴切乃設亭障謹烽火列

拒馬佃營田部署周詳屹然足當山河之固矣敵犯柝子塢不得入乃伺大同龍鬚墩公集精銳邀擊之敵挫復入公親援鼓護軍血戰以捷聞詔進兵部右侍郎賜金幣獎諭王子八月敵犯紫荆關公督八營兵布八陣厚持之敵聞而遁時公業已受召協理京營會城京師公奉璽書爲植不佞越在版築從公周旋比訖工公不與賞時雲中上谷饑甚釋憾者出公督府且寘公甫出關檄傳雲中兵敗殺副將公筴曰治亂如治絲也急之益勞亟發條約懸書徧諭之閫伍乃輯公疏其狀乞假歲月以布恩威上心然

靈寶縣志

卷之七

藝文中

傳

三

之手條約置坐側公既至申令誓師吾家世受國恩直將奉不肖之軀以殉爾曹超距之日久矣甯避疆場而就市曹意懇辭嚴人人感奮既以軍興不給亟請發度支通鹽筴足芻糧廣轉輸密綜核比年不歲不旬月而穰矣妖民呂鶴結敵人敵以潛師從公決策擒鶴斬之獻馘者四十詔進右都御史則以應卒而制勝居多鶴既誅敵旋馬西向公既敗之紫塞八角追襲俘馘百七十有奇詔進兵部尙書廕一子世襲錦衣衛千戶總督如故甲寅敵連營犯瓦窑口公業已完聚備之敵嘗我軍佯遁旋入公督諸軍

奮擊俘馘百四十有奇明年秋敵入掠獨石其首僚答大
舉四十萬衆寇山西公分部發兵遣輕騎搗其穴據險設
伏夜出銳師破其營敵狼藉分崩死傷不可勝紀復犯龍
門火石嶺公勒標兵尾擊之至響水鋪出敵不虞募死士
持刀斧乘夜突敵中所觸糜爛敵大潰墜崖竄谷膏血川
原伏兵悉起來攻聲震數百里火鼓徹夜不絕明發殘邊
踉蹌而聚號泣而逋公乘勝躡之俘馘五百三十詔加太
子太保廕一子世襲正千戶上益多公伐入爲兵部尙書
于時北邊南倭警息日至上患倭與患敵等集郡議下本

靈寶縣志

卷之七

藝文中 傳

完

兵公折其衷上平倭几事諸軍謹奉廟謦悉中機宜丙辰
倭入淮陽敵人甯夏諸軍戮力驅勦悉從本兵受成苗寇
盧阿項粵寇馮天恩會甯寇許以明陳孔榮各負固稱兵
有司遞上變決策誅首事者飭黨悉平上故眷公習兵下
手扎問邊方大計公掇其要七事以對悉當上心大同右
衛孤懸寇圍不解公陳六事五要策之詳大率主於振勵
積衰責成專任言者俛俛告急請罷本兵憾者主之公遂
免已未敵大掠灤西上曰薊遼督府務得人朕欲仍用許
論命甫下驪聲振邊隅公遞上便宜申條約以如嚮法夷

申敵復把都既辛愛大舉分掠東西公業已完繕亭障簡練部伍不遺餘力邊百窺不得一間入夏不解春防無伺伺大水略聚精騎傳諸堞計無堅不瑕公登陴誓諸軍力戰而卻追至段伏嶺俘馘以聞上賜金幣軍中尋下譽命憾者無所釋擿以虛報邀功輶獻六俘面詰乃寢公既經畧邊徼分爲十區各以憲臣監之區分衝援爲主守兵分竒正爲犄角至今從之歲大裨列戍噉噉待餉公爲之請賑言者以亟請擿公遂罷公核諸軍實無闕出入乃已丙辰冬十月公自理喪具端坐而終年七十二昔在庚子公

靈寶縣志

卷之七

藝文中 傳

三

守南宮一羽人遺公書稱默齋大司馬默齋公別號也歷十有七年而徵當公飾巾一巨星若盤孟隕西北殆亦天授豈惟世德乎公固於文事優率以用武顯終始家邦身繫邊圉安危者三十餘年以首功計者二萬三千降者二千敵首旗纛車馬器械以鹵獲計者三萬五百修築邊牆以里計者四千墩堡以座計者三千人言襄毅之有恭襄猶絳侯之有條侯驃之有冠軍也顧襄毅阨於寺人恭襄阨於執政卒使齋志以歿底績未遑其成其虧是或天道得全難矣穆考卽位公子倓詣闕上書詔復故秩謚恭

襄論祭九壇遣中書劉天衢營葬公配河東李氏累封一品夫人始生俛俛以任子歷二千石守衡州長孫茂樞任執金吾次茂杞任宏農萬戶進遊擊將軍戊昌平曾孫二長浩然次廓然公之世澤未艾也左司馬氏曰不佞道昆故受先大夫戒卽與聞兵事絕口不談頃烏寇入淮螯運道議遣故右司馬江公部兵出討簡二部卽以從公首署不佞名疏入矣人言卽未嘗譚兵事公安取卽公笑曰是唯不談視談者賢矣竊惟公宏廓深遠片言千鈞玉立溫溫不色喜怒卽公目屬不佞無繇吐一辭爰及任人較若靈寶縣志

卷之七

藝文中 傳

三

衡石儼然大臣之度其亦諸先正家法邪昔襄毅右孫忠烈以疎得之卽不佞非其人公象賢矣不佞竊爲公立傳其詳具高拱新鄭相公志中

許天卿先生傳

國朝 李鏡江

公諱宰字天卿號敬庵行二明大保襄毅公八世孫也幼聰敏處事果決取與雖一介必嚴讀書嘗數行下爲文章援毫立就如宿構者年十三爲弟子員旋食餼於庠雍正癸卯登賢書名在第二乾隆丙辰捷南宮觀政西曹江蘇司後補雲南司主事游升四川司員外郎奉天司卽中

獄多平反所至有聲未六旬卽請假歸處林下者十五年
初公爲諸生時同邑蘇生某語人曰吾向見進士魯南張
先生手足失措今見天卿先生藹然如可親者及接談正
論侃侃愾然不可犯吾怖焉旣筮仕公已不逮所天有餘
俸必函而致之兄且曰吾家產粗足此所以供兄晚年酒
食之費勿更爲兒輩謀田宅也其在雲南司會

大清門外有婦屍裸體傷如割而未裹足者部役以並無兇
據逮係門官干總及左右肆商百餘人候勘公至悉令釋
之本部堂司各官無不駭異謂犯首不得事干衆罰咎將

靈寶縣志

卷之七

藝文中 傳

三三

誰執公曰 大清門外非尋常百姓所至此婦又未裹足
其爲旗人無疑應牒八旗佐領限三日緝兇送部甫二日
而罪人得僉以此服公之鑑時乾隆九年事也及十二年
公任四川司偶見吏持江蘇司稿曰此吾舊日學習處也
啟視之則有民衆聚焚稅房一案本司擬梟首二十七人
絞斬流徒三百餘人公惻然曰此房應請咨查戶部果係
奉

旨建設所擬允協若係有司私設病民不幾濫獄乎本司皆唯
唯懇公公卽呈堂查戶部如公言旋命公主稿公

人以聚衆肆焚改殊死二十七人擬配堂核無異卽請

上得疏甚喜且曰此案本司官不能定而定案者乃在四川司乎

特命加公隨帶一級公前後開釋且數百人視襲毅公撫甘肅定西域會活哈密八百餘人其志事豈有異歟尋遷奉天司郎中公熟於律例每諸司有所擬詢之公公爲誦之不遺誤一字因爲之語曰許公在坐如律在左其告歸也衆留之不可得咸頓足曰行律去矣用唐書稱虞世南爲行

靈寶縣志

卷之七

藝文中

傳

三

秘書語也先是公在雲南司雲撫疏劾墨吏二十餘公酌釋四人內有先爲某縣令後擢直隸欒州刺史王某者王不知也俄得之督學使者李乃以酒二罌茶二籠隱巨金爲公壽公卻之曰吾之脫君也以公而君反以私耶餽者慚而退旣解組足跡不履城市邑前令周侯延主修邑志時得一相過從餘未嘗至公庭惟日與諸子姪輩談論載籍評課藝高下或稍不愜輒拈筆自爲之有晉生荆某者以課藝三十就質茶頃公披閱已周掩卷枚舉其得失並字畫訛誤如指掌荆故才士頗睥睨一切至是汗流浹背

退而言曰公執掌簿書幾二十年猶鑿核如是耶年七旬
又四以壽終子及孫及曾孫皆以名諸生嗣其家

靈寶縣志

卷之七

藝文中之傳

三十四

墓誌銘

陝虢觀察使盧公墓誌銘

唐穆員

唐貞元四年夏六月陝虢都防禦觀察轉運等使陝州長史兼御史中丞范陽盧公壽六十中疾於位優詔得謝家東都履信里秋七月甲戌終於其寢冬十月乙酉歸於此塋禮也萬安之腹因山而封嵩邱伊流環帶捧抱龜筮叶吉神宅是宜府君諱岳字周翰其先齊太公之後公子高奚食采於盧因以命氏及自東漢中郎植及元魏秘書監陽烏第四子都宮尙書道虔凡十葉代代得祿其兄子思

靈寶縣志

卷之七

藝文中

墓誌銘

三五

道所著家譜詳之道虔生齊左庶子昌衡昌衡生隋澤州內部長寶素寶素生皇朝綿州長史安壽安壽生汝州司馬正紀正紀生絳州聞喜令杭惟是婚姻其類爲義方相襲禮樂冠蓋侔其盛焉府君聞喜之第二子也發地之祥鍾天之和處爲孝而友悌從之出爲忠而貞諒從之施於事物爲聰明純粹而寵位從之天寶末擢明經調宋州襄邑主簿歷婺州夔州二錄事參軍以大理評事兼監察御史始佐湖南觀察之政前帥韋之晉倚之以清後帥辛京杲藉之以立旣真拜又稍遷殿中侍御史京杲入覲咨以

留府時有驕將數人京杲實父子兄弟之其蹈罪姦令率以爲順府君告之以刑辟明之以無赦而郡帥如故乃盡戮之由是軍政理而庶政舉初朝廷之任京杲也以恩舊用不責之以龔黃之績至是還之不可易之不能留之京師以盡府君之美若是者五載累錫銀印朱紱金章紫綬加侍御史建中初今上嗣位有自屬部謫官入爲相者謂公才膺方鎮受容府經畧招討等使就加御史中丞南越獷俗并稅之入鮮具其布帛之幅通流之貨悉異中土府君以美利利之王制制之又每歲有西原之警府君布政

靈寶縣志

卷之七

藝文中

墓誌銘

美

羣盜爲人元年季春賦入貞元三年來朝拜少府監上以陝郊之守藩垣二京冠冕諸夏非沃心之臣勿授前此元臣授之是爲郡伯今相國李公自中書侍郎徵拜思嗣其事重難其選府君於是乎有由衷之拜惟事小不敢不戒大不敢不懲日嚴祗恪惟新厥舊由是軍服其嚴明而報之以肅吏從其簡易而報之以理惜乎其自下車及遘癘不十月焉嗚呼有其才無其時之嘆不甚於有其時而無其命今之方鎮蓋唐虞四岳十二牧之職而周漢股肱爪牙之任府君承堯之咨庸舜之俞累分共理之憂方咨薄

伐之効凌風拂翼徘徊於冥冥之間何天奪上心而命孤
人望是可以爲嘆歟府君前娶隴西李氏實姬姜之偶先
春早落今也力不及遠未遑合祔繼室以同宗同德而年
位異之三子載戢戢長齒未童幼哀及禮洎兄子嘉猶稟
伯父永州司馬嶠之命泣血襄事見託於銘詞曰
世重五姓冠於百族倬彼山川來宗嶽瀆帝慈蒸黎命分
司牧慎選良臣俾之戢穀猗歟府君受天之祿未見其止
如何不淑邱隴何所郊原重複瑞氣嘉祥於是乎育前川
爲陵北地爲谷世系德代於是乎獨

行狀

壽官彭樸菴翁行狀

明賀賁

樸菴翁者今晉藩參政東谿彭公之父也東谿自瓊閣奉天子命建牙於汾水之上方九月而樸菴翁卒於家於是東谿公至自汾上伯兄陸野大尹公至自山陽皆匍匐灑淚星行而來哀痛宅憂以敦葬事賁亦家難蓼集弔二公而增歎二公戚然泣下曰哀哀先君逝矣吾子可無言乎賁於是歸而作樸菴翁傳蓋予與二公少同筆硯而東谿公又同舉於鄉也以通家骨肉相視者數十年予固稔知

靈寶縣志

卷之七

藝文中

行狀

三

翁哉傳曰翁姓彭氏諱儀字大禮別號樸菴其先商賢大夫之裔也近世謀逸莫考曾大父顯大父滿父珪皆世居靈寶下坡頭村隱德弗耀然族姓整睦爲鄉評重母黃氏以成化丙午九月二十日生翁端慤雅重有異質與兄儒習舉子業俱負時名兄早卒遂廢業力田用孝養厥父母擴產饒裕歲時洗腆致酒合族屬爲父母慶承順婉愉意效楚菜之娛母氏善念顛篤常焚修祈請於名山川南陟武當西登太華翁爲裹贏跋涉從之雖以十數不少懈其奉養殷勤類如此與弟倫同居垂白友愛特至及析產相

讓無間言撫姪簡若已出爲延師設家塾羣諸子弟而訓
迪之樂爲供饋見其親賢取友則愈益喜或隋游燕辟則
滋不悅以故諸子弟皆奮勉就學而彭氏彬彬然盛稱儒
矣嘗獨行道拾遺金芒俟物色者至悉舉以還平居鄉井
溫恭坦夷和易開爽未見有疾言遽色終身與物無忤其
紛爭者請質翁爲理遺數言卽自解謝去亦或愧悔爲翁
所知狀者雖太邱化邑彥方望廬擬此何殊焉初戊子歲
大饑翁出所積粟數百石貸里閭之餓者已丑又饑翁復
以其餘粟貸之如前多所全活旣而卽焚券不責其償自

靈寶縣志

卷之七

藝文中

行狀

三

是家稍落時至窘乏翁處之泰然無難色甲午東谿兄弟
同補廩膳員癸卯東谿公舉於鄉丁未登進士第尹於大
明之滑以祿養迎翁至官所敷德樹聲滑人至今思之蓋
翁有家教也及擢給舍翁從之入京封駁大議與翁商確
方而不劔圓而不齷又爲名臺朝紳皆動色禮下翁乃與
錦衣鄭蘭齋封君馬蕙坡諸老凡十有二人焉皆龐眉淵
德角巾雅服結爲會社卽碧雲寺昆盧閣西湖諸勝概日
邀遊賞聚飲極歡情神暢怡達觀高蹈真香樂社之遺風
也仍各繪一幅藏以世講內翰美公題曰燕臺耆社圖知

者傳頌以爲一時盛事及東谿公陟今官而伯况陸野亦之任山陽皆晝錦過里擁騶乘軒門望赫奕諸子孫稱觴爲壽滿前翁樂之於是葺宇家林尋念親戚故舊陟嶮臨流徜徉夷猶不復從二子行矣至是感淋疾百方不治遂卒享年七十有四嗚呼往予丙辰歲舉進士謁翁翁喜慰勞再三語以居官守已之要鑿鑿可則及予調章邱令又一書抵予父中川翁曰賢郎輩身名已立吾欲與先生爲故鄉白首之歡父亦書旋答雅相結許嗚呼痛哉豈意昊天不弔父亦戊午十一月二十九日終於章邱官舍而翁

靈寶縣志

卷之七

藝文中

行狀

罕

以己未十二月某日竟不起於家耶相繼僅逾年嗚呼痛哉翁素喜黃老噓吸引導之術而吾父亦然故又式相好也如叅同契悟真篇類皆徃復講究務極精覈每自謂有得尤篤愛純陽文集曰此元學宗的也以授東谿公梓行大方伯孔文谷爲校正序簡端改題元覽編以廣其志自東谿公以進士官十餘年階三品而翁之封勳尙滯於時例侍毅齋請加壽官冠服故翁又稱壽官云嗚呼其將大有所受耶配孺人楊氏先翁卒八年矣其徽音見於尙書孫東穀員外許近田所爲誌狀子男五長符卽山陽尹禱

學累行凡七舉不第游均譽聞藉甚任山陽甫五月而以
翁艱歸次籌晉府典膳次範卽參政公英姿偉度負志傑
才當爲國家賢宰輔次箴太醫院醫官次籍邑庠廩膳員

靈寶縣志

卷之七

文

中

行狀
里

論

函關紫氣論

芮城馬 上 虞生

余渡黃河卽問其所爲函關函關者關尹喜受經處也老
聃將過函谷尹候氣輒先知之厥後尹作文始經行世蓋
亦仙尹也獨是紫氣之說渺而難稽以孔子之盛德光輝
過都越邦曾無望彩而知之者而柱下老史行色動機反
與後世紫雲烏龍者同瑞則其果無乎或曰獲石於織女
則星犯斗牛加足於帝腹則星干帝座又何疑於大仙耶
余曰不然星附天者也有屬氣因地者也無主昔斗牛紫

靈寶縣志

卷之七

藝文中 論

望

氣術者多謂吳興雷煥於豐城掘劍紫氣遂無豈非因乎
地耶煥所得劍後化爲龍蓋龍之所至徃徃感生紫氣孔
子謂老子猶龍後人聞其遺跡遂附會其說耳卽日有之
亦繫適逢其會蓋函關緊逼河流水氣上騰徃徃烟斜霧
橫不足爲高人兆也今關西客路南移而古驛村亭址猶
在一帶高岡直枕流水每晨夕則烟凝山紫余以客餘得
縱目其間殊覺其塵不比新驛黃埃盈尺吾聞仙家每好
清淨之說又聞龍行舊路仙踪可復余其旦暮遇矣



